

## ዒድ- ሕርየት፡ ልእኮታት አሰናይ ልተላሌ

ሚርሐት ክዌት፡ ጀምሮ የት ልዲቸሰ፡ ጅምራርየት ሰርቢያ ወጀምራርየት እኳቶርያል-ጊኒ እብ መናሰበት 35ይ ዒድ ሕርየት ኤራትርየ፡ ዲብ ሸብ ወሕኩመት ልእኮት አሰናይ ነድአው።



አሚር ደውለት ክዌት ምሽባል አልሐመድ አ'ጃብር አልሳባሕ፡ ወሊ አልወሐድ ሰባሕ ኻልድ አልአሕመድ ወርኢሰ መጅልሰ ወዘራእ አሕመድ ዐብደላ አልአሕመድ አልሰባሕ፡ ወርኢሰ ጀሁርየት ማልዲቸሰ ዶ/ር መሐመድ ምዩዙ፡ ርኢሰ ጀምራርየት ሰርቢያ አሌክሳንደር ሹቺቸ ወርኢሰ ጅምራርየት እኳቶርያል-ጊኒ ኦቢያንግ ንጉሜ ምሳራ፡ እብ ሰሞም ወሰም ሸቦም ውሕኩማቶም ዲብ ነድአው ልእኮት፡ እግል ርኢሰ አሳይያሰ አፈወርቂ ዓፍየት ታመት ወእግል ኤራትርየ ወሸባህ ህይ ሰላም ወረሀየት ትተምነው።

ሰሚርሐት እንዴ አትለው፡ ዕላቀት ድውሎም ምሰል ኤራትርየ እግል ልጠውሮ ከም ከድሞ አከደው።

## እት ዐድነ እግል መዳፍዐት ዐደዮ ሕማም ኢቦላ ጅህድ ገብእ ክም ሀለ ውዛረት ዓፍየት ሐበረት

ውዛረት ዓፍየት፡ ሕማም ኢቦላ ዲብ ዐድነ እግል ልእኩ ለሀለ በክት ድሁር ምንመ ገብእ፡ ለለአትሐዜ ወራታት መራቀብት ገብእ ክም ሀለ ሐበረት።

እት ውዛረት ዓፍየት ሙዲር ፈርዕ መራቀብት ሕማማት ዐደዮ ዶ/ር አርኢያ ብርሃኔ፡ እግል ሰብ ምህነት ዓማታት አክባር ዐድነ ዲብ ሀበዩ ተውድሕ፡ እግል ዓፍየት እለ ዲብ ቃረት አፍሪቅየ ዲብ ዲሙቅራፎያይት ጀምራርየት ኮንጎ ኡጋንደ ሰዱፈት ለሀሌት እብ 'ቫይረስ ቡንዲቡግዮ' ለትዐዴ ገሽለት ወጠንያይት ልጅነት እንዴ ቁመት ዲብ መታብዐት ክም ሀሌት ሸርሐ።

ለልጅነት ትሰርግሉ ለሀሌት ወራታት እግል ልትዐወት መዓወነት ትገብእ ክም ሀሌት፡ እብ ሰበትለ ሕማም ለተአትሐዜ ሐብሬ ዲብ ክሉ አቃሊም ወእሱብዳልያት ከም ትንሸረት፡ እብ መከረዩ ሞያራት ለለአት ሙሳፍሪን አሻይር ሕማም ኢቦላ እግል አሊሀሌ እቶም፡ ሐዝ ለቀይሰ አላት ከም ትዳሉ፡ ሙሳፍሪን ዲብ ለሕማም ለትርኢ እቱ ድሞራት ጋይሳም ሐቀ ገብአው ሰኣል ክም ልትቀደም

እቶም፡ ለቫይረስ ራክቡ ክም ሀለ ሸክ ለገብእ እቱ መርከዝ ክልኩል ከም ትዳለ ወናይ ላቦራቶሪ አላት ካሬ ጋብእ ክም እንዴ ሐበረ፡ ፡ ሐብሬ አሳሳየት እብ ዓማታት አክባር እግል ሸብብ ሀይብ ወእግል ሰብ ምህነት ዓፍየት አድረሱት ምን አግደ በራምጃት ክምቱ ዶ/ር አርኢያ አብርሀ።

ዲብ ኡጋንደ ወግብለት ሱዳን ለኩባሮ ኤራትርየን፡ እብ ሰብ ሰልጠት ናይላ ድወል ለመጽእ መምርሕ እብ ፈላዐት እግል ልታብዎ ወመትደጋግ እግል ሊደው፡ ዲብ ዲሙቅራፎያይት ጀምራርየት ኮንጎ ለኩባሮ ሀይ ዲብ ገሽለት ኢቦላ ለብእቱ አቃሊም ኢቱሪ ወቅብለት ወግብለት ኪሹ እግል አሊጊሶ እብ ተውሳክ ተሐሰበ።

ሕማም ኢቦላ፡ እብ ተምተም ፊሻይ ገርብ ወ ወመትነፋዕ ሕማም ለረከቡዩ ነፈር ለልትነፋዕ እቡ አላት ከም ለዐዴ ለሸርሐ ዶ/ር አርኢያ፡ ሐዝ፡ ተዐብ፡ መጺጸት አሰዑድ፡ ወወሪድ ምን ናይ ሰልፍ አሻይር ናይ እለ አሰክ ሞት ለሰብ ሕማም ሙብቅያይ ክምቱ አፍሀመ። 'ቫይረስ ቡንዲቡግዮ' አሰክ

እለ ሰራይ ለኢትረከበ እግሉ፡ እግል መራቀብት ገሽለቱ ሀይ - ፈረጎትለ ረክብዮም እት ሻፍገት አሌላይ፡ ክልኩል ወመራዐየት፡ ምሰል ሐማይም ለትሐበረው አንፋር መታብዐት፡ ገናይዝ እብ ደማነት ለበ ገበይ ቀበር ወዲብ መሻረከት ማዕይ ዛይደት ከም ልተንከብ ልትሀደግ።

ዲሙቅራፎያይት ጀምራርየት ኮንጎ ወኡጋንደ፡ እብ ገሽለት ሕማም ኢቦላ ክም ብእተን ዲብ ዮም 15 ማይ 2026 ክም ዐለዮ ልትአመር። ዲሙቅራፎያይት ጀምራርየት ኮንጎ 321 ለትአመረው ሐማይም፡ 48 ሞት ፡ ዲብ ኡጋንደ ሀይ 11 ሐማይም ወሞት አርት ነፈር ሰጅል ሀለ።

ሕማም ኢቦላ፡ እግል ሰልፍ ኢነት ዲብ ሰነት 1976 ከም ትረኢ ተቃሪር ዲብ ለሐብር፡ እት ሰነት 2007፡ 2012 ወ 2026 ዲብ ዲሙቅራፎያይት ጀምራርየት ኮንጎ፡ ወኡጋንደ እብ ሸክል ገሽለት ለትርኢ ላኪን እብ ጂል 'ቫይረስ ቡንዲቡግዮ' ለጀራት ክምተ ለአፍሀም።

## ኅሰዩ፡ ወፍድ ኤራትርየ ዲብ አወላይ ሞዕለ አምን

እብ ሰፊር ዲብ ፈደሬሽን ኅሰዩ አሰይድ ጴዮርስ ጸጋይ ለትመርሐ " መጋብሀት ዘበናይ እሰትዕማር ፡ ከም አውለውየት እግል ደማን አምን ለበዝሐ ድወል" እብ ትብል ሰቅራት፡ ምን ዮም 26 አሰክ 29 ማይ ዲብ መዲነት ሞሰኮ ዲብ ገብእ አወላይ እድንያይ ሞዕለ አምን ሻረኩ። እትሊ እብ መዓወነት ውዛረት ሕሰር ካርጅየት ፈደሬሽን ኅሰዩ ወመአሰሳት ሕኩመት ብዕድ ለትዝመ ሞዕለ፡ ምን 145 ደውለት ሐድ 5 አልፍ ወኪል ሻረከው።

ለሞዕለ፡ አግደ ዲብ ዶር ቴክኖሎጂ ዲጂታል ዲብ ወራታት እርሃብ ወሕውነ አምን ድወል፡ አረይ ኢራትዐት ሐብሬ ወመትነፋዕ ሸባር ከም መሻቀዩ ሐርብ ድድ ድወል ገብለታይ ሰር ምክባብ፡ እድንያይት መዓወነት ዲብ አምን ሐብሬ፡ ዶር ምን ሕኩመት በረ ላተን መአሰሳት ወመዝማት ዲብ አድዐፎት አምን ድወል፡ አብሳር እድንያይት መዓወነት ዲብ ጋብሆት መትመዳድ አፍካር ተሸዱድ ወትጠሩፍ፡ ወመሻክል ማይ ከም መታክል አምን እድንያ፡ ግሞሬ ወመንጠቀት ሀድገ።

ወፍድ ኤራትርየ እብ ተውሳክ፡ መጦርለ ሞዕለ፡ ምሰል ዲብ መጃል ዓቅቢት አምን ወደሐን ፍሞር ወዕሬ ፍንቱይ ለቀደመየ መአሰሳት ወሸርካት እንዴ አማሕበረ፡ ዲብ አብካት መዓወነት ሀድገ።

## እድንያይት አምዕል ትምባክ ትዘከረት



31 ማይ እድንያይት አምዕል 'ኢፋል እግል ትምባክ' መአሰሳት ምን ፈርያት ትምባክ ሐር እግል ኒዴ እብ መሰሎልየት ንሸቁ" እብ ትብል ሰቅራት እብ ደረጀት ወጠን ዲብ አሰመረ ትዘከረት።

ዲብ ኮንድፍራልየት ሸቃለ ኤራትርየ ጌምያይ ቃትን አሰይድ ሀይሌ ተሰፋሚካኤል እተ አሰምዐየ ከሊመት፡ አግደ ሀደፍሰ በራምጅ፡ ደሐኑ ወዓፍየቱ ለትሐፊዘት መፍራያይ ወጋንዕ ሸቃላይ እግል ለሀሌ ክምቱ እንዴ ሐበረ፡ ናይ ዮም ሸባብ ደረሰ ናይ ፈጅር ሸቃለ ሰበት ቶም፡ ኮንፍድራልየት ሸቃለ ኤራትርየ እትሊ ጋር እለ ዶረ እግል ተዓቤ ትከድም ክም ሀሌት ሸርሐ። ትምባክ ወሰጃይር ሕማም ሰረጣን፡ ጨቅሞ ደም ውቁል፡ ሕማም አሰራር ደም፡ ጀልጠት ልብ ወሐገን፡ ወነቃሰ ወሊድ ወምክን እግል ልሰብብ ከም

ቀድር ሰብ መቅደረት ከም ለሐብር ለሸርሐ አሰይድ ሀይሌ፡ ዲብ ዓለም ክል ሰነት ሐድ 7.2 ሚልዮን ነፈር እብ ሰብ ትምባክ ወሀተ ለሰብ መሻክል ከም መይቱ፡ ሸፋገት መትነፋዕ ትምባክ እብለ ለሀሌተ ሐቀ አተላሌት፡ ሀይ ዲብ ሰነት 2030 ለቅያሰ ዲብ 8ሚልዮን እግል ሊደድ ከም ቀድር፡ ተቃሪር

መዝመት ዓፍየት እዲነ እንዴ ዝክረ አፍሀመ።

እት ውዛረት ዓፍየት መሰሎል ውሕደት ጎማት ወድሩሰ አሰይድ አማኒኤል ግርማጼን እብ ጀሀቱ፡ ውዛረት ዓፍየት ምሰለ ትፈሩተየ ናይ ሸቅል ሰብ ሸርከተ እብ ዓመት፡ መክተብ ምግባይ ኮንፍድራልየት ሸቃለ ሀይ አግደ ትከድም ክም ዐለት እንዴ ሐበረ፡ አግደ ሀደፍ -ዓፍየትለ መሰተቅበል ወጠን ላቶም ሸባብ አድመፍት ክምቱ ሐበረ።

እተ አምዕል ፍንጌ 10 መአሰሳት ለወከለው ሸባብ ሸቃለ ጅግረ አምር ዓም ገብእ ዲብ ሀለ፡ ለመናሰበት ለወክል ክቱብ በሐሰ እብ ውሕደት ለኢለዐዴ ሕማማት ትቀደመ።

እት ደንገቤ ወኪለት መዝመት ዓፍየት ዓለም ዲብ ኤራትርየ ዶ/ረት ሚሪ ስቴፈን እግል ትዐወተው ጀሞእዝ ሀበት።

# ልኡክ 'የኔሰኮ' ምስል ውቁላም ሰብ መዝ ኤረትሮፕ ለሀድግ

ልኡክ መዝመት ተዕለም፡ ዕለም ወግዳት መዝመት ምጅልስ ቅራን - 'የኔሰኮ' የም 28 ማዮ ምስል ውቁላም ሰብ-መዝ ሕክ-መት ኤረትሮፕ፡ ዲብ መትሰዳዳይ-ሕድ ወአህምየት ሕበር ለሶም ቅደይ ሀድገ።



ወሰቀት ወተሰጃል ርዙቅ ተኔሪካይ ወረቁቅ ውርስ ኤረትሮፕ፡ ክምስልሁ-መ መባደሰት ተጃርብ ዕለ-ም ዲጂታይ ወወቅል በሰር/ሰናዕት ዲብ ተዕለ-ም ወሐብሬ ለረከዘ ሀድግ ወደ። ለመመቅርሐይት መአሰሳት

ለእብ ሴድያይ ምዲር ዓም ናይላ መዝመት አሰይድ መሐመድ አልፈርናዊ ለትመርሐ ወምዲርላ መዝመት ዲብ መንጠቀት ምፍጋር አፍሪቀ ሚስ ልዊስ ሃክሰትሃውዘን ለህሌት ዲብ ልኡክ፡ ወዘር ካሪጂየት አሰይድ ዑሰማን ሳሌሕ፡ ወዘር እዕላም አሰይድ የማኔ ገብረመስቀል፡ ወዘረት ተዕለም ዶክተረት ሐሊመ መሐመድ፡ ክምስልሁ-መ ምስል መፈውድ ዓዳት ወርያደት ሰፊር ዘመዴ ተክሌ ዲብላ ተዐገለው እቲ መሕበር፡ ዲብ መጃላት ተዕለም፡

## ፈረንሳይ፡ ኤረትሮፕን ናይር ዒድ ሕርየት ለሓልፎ



ዲብ ፈረንሳይ 35ይ ዒድ ሕርየት፡ እት የም 16 ማዮ ዲብ መዲነት ናንት፡ 23 ማዮ ዲብ መዳይን ፓሪሴ፡ ልዮን ወረን፡ 24 ማዮ ህዬ ዲብ መዲነት ኣንዠፍ እብ ገማለት ተዐየደ። ዲብ "ሰባትን ደማትን" እብ ትብል ሰቅራት ለገብእ ዒድ፡ መስኡሊን ጃልያት ኤረትሮፕን ዲብላ መዳይን

ዲብ አሰመወ ከሊማት፡ እብ እስትሸሃድ ቃሊ ለትረከበት ደውላት፡ መትካምም እንዴ አ'ተረደው ዲብ ብንየተ ወምግረ ዶርም ክም ወቅሎ ኣከደው። መትምማይ ቅደይ ሰፋረት ኤረትሮፕ ዲብ ፈረንሳይ አሰይድ በረኸት ጳውሎስ እብ ጀህቲ፡ ሰቅራት የም-ዓመት፡ ለኤማን እንዴ

ተዐንደቅን ለወዳኖህ ንዳል እግል ሕርየት፡ ሐሸሞት ሰያደት ወብንየት ወጠን ለወክል ክምቲ ሐቀለ ሸርሐ፡ 24 ማዮ - በራምጅ ዐማር ወጠን እግል ልትዐውት ወሰያደትን እግል ትደመን ንዳልን ለእንጃድድ ዲብ አምዕል ቃልየት ክምተ ሸርሐ። ለዓያድ፡ እብ በራምጅ ዓዳት፡ ዕሬ፡ ክምስልሁ-መ ደረሰ ህግዮ-እም ለቀደመው ጽበፍ-ፈን ናይር ዐለ።

እሊ ክእን ዲብ እንቲ፡ ዲብ ሎስኦንጅለስ ወድሞረ - አሚሪካ ለትብር ኤረትሮፕን፡ እት የም 24 ማዮ በራምጅ ናይር እንዴ ክዘመው፡ 35ይት ሰነት ዒድ ሕርየት እብ ሐበን ዐየደው። ዲብላ መናሰበት፡ ዐዙመት ለገብእት እግሎም ከንቲባይ መዲነት ጋርዲነ ወብሰዳም ወካይል መዳይን ሎስኦንጅለስ ወድሞረ፡ 35ይት ሰነት ዒድ ሕርየት ኤረትሮፕ ለተኣትአምር ሸሃደት እግል ጃልያት ሰለመው።

**ኤረትሮፕ ጃልያት**

ክል አርቡዕ ለትጠ'በዕ ጀሪደት

መዳልያይ፡-  
- መሐመድ እድሪስ

ለይአውት ወአርተየት  
\* ዘህረ ዐሊ  
\* ፋዋነ አድም

ተለፎን፡ 121797/201820 (258)  
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡  
ተለፎን፡163471-07588045

አትአመርት፡  
ተለፎን፡ 125013፡ ዕ.ሰ.ቡ፡ 1284

# ልኡክ ኤረትሮፕ፡ እት እስዋቲኒ

እብ ሰፊር ኤረትሮፕ ዲብ እትሐድ አርብ ወድወል በሉክስ አሰይድ ነጋሲ ካስ ለትመርሐ ልኡክ ኤረትሮፕ፡ ዲብ መምለከት እስዋቲኒ ለገብእ እጅትማዓት በርላማን ድወል አዕዳእ መዝመት አፍሪቀ፡ ካራብያን ወፓሲፊክ ወመንጠቀት አፍሪቀ ወናይ ሕበር በርላማን መንጠቀት አፍሪቀ ወእተሐድ አርብ ሻረከ። ለእብ በንብይን ወእብ ሕበር ለገብእ እጅትማዓት፡ ምን አግደ አውሎ-ያት ለዐላ፡ ለሸራትት 'ኮቶኑ' ለቀየረ እትፋቅ 'ሳሞ' እግል ልሰበት ወልተረድ ገብእ እት ህለ፡ ለእትፋቅ ለከሰሰ መብርሂ እብ ሰብ-መቅደረት

ተሌ እጅትማዕ ቤት ጎማት ውዘራእ ናይ ሕበር በርላማን መንጠቀት አፍሪቀ ወእተሐድ አርብ ዲብላ ልትቀደም ይማም ሐቀለ ሀድገው አራእ ቀደመው። ልኡክ ኤረትሮፕ ዲብላ ቀደመዩ ረአይ፡ ምስል እተሐድ አርብ ዲብ ገብእ እጅትማዓት፡ ቅየም ድወል አፍሪቀ እግል ልትሐለፍ ክም ኢወጅብ ወእህትማም እግል ልርከብ ክም ለአሰትህል ሐበረ። እሊ ክእን ዲብ እንቲ፡ መሻርከት እብ ክሰብ ዶር ናይ መንጠቀት ተናዘም ወበርላማናት ሰላም ወአምን አፍሪቀ እግል ልትአከድ ናቀሸው።



ተሀየቡ፡ መሻርከት እንዴ ወሰከው፡ ተቃሪር ካትብ ዓም ሐቀለ ሰምዐው፡ ዲብላ

ዲብ ደንገቡ፡ ዲብ-ናይ ሕበር ቤት ጎማት ውዘራእ አፍሪቀ ወእተሐድ አርብ ለልትቀደም ፊናታት ሰብተ።

## ዒድ ሕርየት ዲብ ኢማራት፡ ደማም ባሕሪን ወኡርዱን

35ይ ዒድ ሕርየት ኤረትሮፕ " ሰባትን ደማትን " እብ ትብል ሰቅራት፡ ዲብ እማራት፡ ደማም -ምፍጋር ጽሓይ ሰውድዮ፡ ባሕሪን ወኡርዱን እብ ነያረት ተዐየደ።

ጃልያት ኤረትሮፕን ዲብ እማራት ዲብ የም 29 ማዮ ዲብ ዳብይ እተ ወዳቲ ሐድ አልፍ መሞን ለሻረከው እቲ ዒድ ናይር፡ መመቅሪሓይ ሸቅል መክተብ ቁንሰል ዓም ደውላት ኤረትሮፕ ዲብ ዳብይ ወቅብለት እማራት አሰይድ መሐመድ መሕሙድ ሰሊም፡ ዲብ አሰምዐየ ከሊመት፡ እግል ክሉ ሸዕብ ኤረትሮፕ ወቅቀት ድፍዑ አሰናይኩም ሐቀ ቤሊ፡ በራምጃት ብከ ወጠን ዲብ ሀደፉ እግል ልብዳሕ መሞኒን ደርም እግል ልቀድሞ ትላከ።

እሊ ክእን ዲብ እንቲ፡ ዲብ የም 29 ማዮ ዲብ መዲነት ደማም እተ ገብእት ዓዳት፡ ለዒድ እግል ልግመል ዶር ለቀደመው እንዴ ሐመድ፡ ጃልያት መትካመ እንዴ አተረደት ዲብ በራምጃት መዳፍዐት ወዐማር እግል ትሻርክ ዱሊት ክምተ ኣከደ።

እተ መናሰበት፡ እግል ሐድ ወሬሕ ዲብ አተላሊት ጅግረ ርያደት ለትዐውተው ጀሞእዝ ልትሀየብ ዲብ ህለው፡ ምን ኤረትሮፕ ለገሰት ፍርቀት ዓዳት ዕሬ ክም ቀደመት ምን ኣካን ለበጽሐተነ ሐብሬ አትአመረት።

ለዒድ፡ ሸባብ ወአጃኒት ለአትዳለው ሸዕር፡ በንዴረት ኤረትሮፕ ለትወክል ድራሙ፡ ክምስልሁ-መ ትልህያታት ናይ ኩላን ቅምያትን ለለአርኤ ዕሬ እቡ ጋምል ዐለ። ጃልያት ኤረትሮፕን ዲብ ሳስካቲን - ሳስካቲፍ - ካናዳ እት የም 23 ማዮ፡ አግደ ዲብ መትወራራሰ ዓዳት ወሰዋልፍ ለረከዘ ዒድ ናይር ክም ወደው፡ ምንላ ባካት ለበጽሐተነ ሐብሬ አትአመረት።

እሊ ክእን ዲብ እንቲ፡ ዲብ የም 29 ማዮ ዲብ መዲነት ደማም እተ ገብእት ዓዳት፡ ለዒድ እግል ልግመል ዶር ለቀደመው እንዴ ሐመድ፡ ጃልያት መትካመ እንዴ አተረደት ዲብ በራምጃት መዳፍዐት ወዐማር እግል ትሻርክ ዱሊት ክምተ ኣከደ።

እሊ ዌርሰት እማነት አጃኒት ወሸባብ ቅምያት ኤረትሮፕ ለወክል ትልህያታት ዓዳት ወለብብ ለቀደመው ዲብ ዒድ፡ ዐዙመት ለገብእት እግሎም ሰብ-መዝ ሐድራም ዐለው። ዲብ ደንገብ መሻርከት፡ እግል ሸዕብ ኤረትሮፕ ወፍራሰ ቅዋት ድፋዕ ፈርሐቶም ሸርሐው።

እሊ ክእን ዲብ እንቲ፡ ዲብ የም 29 ማዮ ዲብ መዲነት ደማም እተ ገብእት ዓዳት፡ ለዒድ እግል ልግመል ዶር ለቀደመው እንዴ ሐመድ፡ ጃልያት መትካመ እንዴ አተረደት ዲብ በራምጃት መዳፍዐት ወዐማር እግል ትሻርክ ዱሊት ክምተ ኣከደ።

## መረብ፡ ዲብሊ ናይ ደንጎባ ኣምዔላት

ኣይሳም መተንሰዮት በርናምጅ ታሪኽ ኣግማም፡ እለ “መረብ ዲብሊ ናይ ደንጎባ ኣምዔላት” እብ ልብልል ዕንዋን ነፈር ሆንደሰት ዐስከርየት ለዐለ ምናድል ህስቅያስ ውህበት ለደግመዮ ወምናድል ሰለሙን ንጉሴ ዲብሊ ቅሰስ ተጃርብ ንዳል ለልብል ክታብ ነቲ መለኮቲባዮ ቅሰት ኣማን ተ። ከእንዲ ተርጀመን እንቀድመ እኩም። እግል ዮም 5ይ ክፋል ታቦዮ።

ዮም 22 ማዮ ባካት ሳዐት 09:00 ኣሰቡሕ፡ ጸሓይ ልሰዕ እንዲ ኢትደቀብ፡ ጃሽ ጀብህት ሸዕብየት (ክልኤ ፈሰለት ሆንደሰት ወጃሽ መሐሊ) እብ ከማልነ ምድር ትግራይ እንዲ ሐደግኪ ኣስክ ቢንቶ መረብ ትከፊኒ። ዲብ ወክድ እስትዕማር ኢጣልየ ለትብነ ጀሰር መረብ፡ ዲብ ሰነት 1952 ንጉሰ ህይለስላሴ እብ ቀራር መጅልስ ቅራን መባረከት ሕኩመት ኣምሪክ መትሎ ለተህየቡ ኤራትርየ እግሩ ለከረ እተ ታሪካይ ቢንቶቲ። ሕሊል መረብ እንዲ ተዐዲን ዲብ ምድር ኤራትርየ ሸፈኖ። ፈሰለትን ኣክል ሕድ እተ ጀሰር፡ ፈሰለት ባውላይ ህዩ ምንነ እንክር ድማን ሸፈት።

ጃሽ መሐሊ ምንነ እንዲ ሐልፈው ድማን ወድገለብ እንዲ ትነተለው ሸፈው። እግል ክሉ ኣሰልፍ ሕቡር ለዐለ ኣካናት ምን ሕድ እንዲ ትነተልነ ጸብዋናህ። ጃሽ መሐሊ ቀደም እለ እብ ገብአት መፋህመት፡ ምን ጃሽ ወያኔ ዶሽክ እንዲ ነስኦ ዕንዳቁ ተመየ። ምድር ክምሰል ጸብሐ ላኪን ወያኔ “ዶሽካ ህቡን” እንዲ ቤለው ትሰኣለው። “እግልሚ?” ክምሰል ትብህለው፡ “መሰኡሊን ዶሽካኩም ኣክቡ ቤለው!” ለልብል በሊስ ህበው። እብ ውዲቶም ትፈክርኩ። ዝያድ ሰነት ወሰር ለሸፈኖነ እቲ ምድር ትግራይ እንዲ ሐደግኪ ሱድፈት እት ምድር ኤራትርየ ለተዐዲነ እቡ ሰብብመ ፍህሙ ሰበት ይዐልኮ እግል ሳቤ ትሰኣልኩም። “ዲብ እሊ ባካት ምሰል ህለው ቅያደት ወያኔ ሰበት ኢትዋራግናቲ!” ቤሌኒ እንዲ ኣትሐጨረ። ማሸግ ምናም ክምሰል ዐለ ምን ምብላሱ ፈህምኩ።

ምን ናይ 3 ማርስ መጻላትን ወተጃርብነ እንዲ ትብገሰኩ። እብ ብነ መቅደረት ኣባይ እግል ንክርዑ እንቀድር ለልብል ጌማም ይዐለ እግልዬ። እምበል ሸፍ ትም እንዲ እምቤ ኣስክ ኣቶብየ እግል ልትዐዲ እግል ንእዘም ምኑመ ክሉ ረኣሱ ለትትከቡቲ ኢኮን። ዲብሊ ናይ ደንጎባ ሸፍ ጀብህት ደቀምሐሪ

ኢሻረኩቶም እሱፎም ለዐለ ኣንፋርነ ላኪን፡ ለናይ ሐርብ መትረማጮም ለለኣረዌ ቴለል ዲብ ቀደም ዕንታቶም ጠበሽ ሰበት ቤለ ፋርሓም ወዱሉያም ዐለው። እብ ሸፋግ ሰዋትርም እብ እመን እንዲ ነድቀው፡ ለዲብ ቤት ገብረኤል ክመር ለትመየ ጃሽ ኣባይ ኣስክ ኣቶብየ እግል ኢልትዐዲ እግል ልክሩዑም ጠባጠበው።

ኣስመላሽ ምሰል ካልኣዩ ወዲ-ባሻይ፡ ሐዳም ጀማዐት እንዲ ነስኦው፡ እብ ኣንፋር ሰለለ ናይለ ድዋራት እት ልትመረሐ፡ ቀደም እንዲ ሐልፈው ዲብ



ባካት ክሳድ-ዕቀ ዲብ ዓቅቢት እግል ዐለው ሚሊሽ ሸንጎይ ጸጌዕ ክምሰል ቤለው እቶም፡ እምበል ዙብዋ ኣካናቶም ተረግ እንዲ ኣበለው ሀርብው። እግል ሐድገው ኣካናት ናይ እሻረት




ንቅጠት እንዲ ወደው ህዩ ጃሽም እግል ለኣትመቃርሐ ኣምበተው።



ልግበእ ወለብሰቲ ሸዕቢ ክምቲ እመርቲ። ዱቅሪ ትክ እንዲ ቤለ ዲብ ፈሰለትን ሻፊት እተ ለዐለት ኣካን ክምሰል ሸኣጉ ምቀደም ለዐለው ዋርድየት “ሚ ተሐዜ ህሌክ?” እንዲ ቤለው ትሰኣለው።

“ ላ ጼ ሕ ኤራትሪ ገባራይ ኣኩ ቃእድ ጃሽ ኣቶብየ እብ ቀሰብ ኣስክኩም ለኣኬኒ!” እንዲ ቤለ ክምሰል በልስ እሎም፡ ዲብሊ ኣነ ለዐልኮ እተ ኣካን ኣምጸኣው



እዬ። ለሸዕቢ ዲብ እንደገርግሰ ምን ዐለ ቃእድ ጃሽ ኣቶብየ ለትለኣክ ጀዋብ ሰለሚኒ። ኣነ ህዩ፡ “ለኣምጸኣካህ ጀዋብ በሊስ እግል ለህሌ እሉ ሰበት ወጅብ ዲብ እለ ጸኑሕ” እቤሉክ ምን ሚርሐት መጃሚዕ እግል ሸበድብድ እንዲ ትላኪኩ፡ “እሊ እናሰ ሓሰትን እግል ልድሌ ለትለኣክ ጃሱስ እግል ኢልግበኢ፡ ኣስክ ወረቀቲ እንዲ ረኤነ በሊስ ነህይቡ እንዲ ደገማኩም ዕቅቡ እቤሎም። እግል ሀቤኒቲ ጀዋብ እንዲ ይእቀርእ ኣስክለ ብርሃኔ ሳቤ ለዐለ እተ ኣካን እንዲ ጊሰኮ ሰለምኩም።

ሳቤ እግል ጀዋብ እንዲ ከሰተ፡ ቀርኣዬ። እት ልትፈክር ገንሐ ሐቅለ ጸንሐ ህዩ፡ “ለለኣትፈክር ኣስክክ ኢኮን ለከትብየ፡ ዲብ እለ ለህሌነ ከ ማ ን ለለኣምር



ኢመሰለኒ?’ ቤሌኒ። ጸብጡ ሰበት ኢረኤኮ እት ሰኣሉ እግል እብለስ ኢቀደርኩ። ኖሱ ህዩ፡ “እንክ ረኣዩ!” እንዲ ቤለ እግል ጀዋብ ሰለሚኒ።

ፈሰለት ባውላይ ዲብ ኣራል እንዲ ትጸዕነት ምድር ለዐወድውድ እት ህላ፡ ዐዲኳለ ኣቲት። ፈንዋር ለገብአው ዐላክር እተ ወክድ ለህይመ ምን መዲነት ኣስክ እንክር ግብለት ገጸም ምግግዝ ይኣትካረመው። ሰካን ዐዲኳለ ህዩ ጃሽ ኣባይ እንዲ ሐድገውም ገይሰ ክምሰል ህለ ለኣምር ለዐለው ኢመሰሎ። እምበል ነቤኡ ወለኣዌ ኣክላብ

ለልትሐረክ ኣዳም ልግበእ ወንዋይ ይዐለ። ዲብ ምግብ ዐዲኳለ እንዲ ኣተው ምን ጸርግዮ እንክር ድማን ፋዬኡ ካንፔሎ ለብእተ ቤት ረክበውኩ ምሰል መኪነቶም ኣተው። ሰብ ቤት እብ ላሊ ወኣምዕል እብ ግዲደን እብ ምግብ ዐድ ተንክር ለዐለ ጃሽ እንዲ ፈርሀው ምን ኣብያቶም ኢተሐረከው።

ለኣራል ዲብ ካንፔሎሆም ክምሰል ኣቲት ኣሰልፍ ዲብ ልትፈክር ኣትቃመተው። ሐሬ ላኪን ምናድሊን ክምቶም ክምሰል ኣከደው እብ ዕላል ለቤት በለሰው። ዲብ ቤት ለጸንሐ ኬር ወበርከት እንዲ ሀበው ኣድረረምም። ለምናድሊን ተዐብ እቡ ጅሉፋም ሰበት ዐለው ይኣምሰው። እግል ሰብሊ ቤት እንዲ ሐመደው እግል ካንፔሎህ ቤት ደብኣው ወዲደማን እንዲ ኣፍገረው ሰክሶ ትመየው። ፈጅራተ፡ ዐዲኳለ እንዲ ተሐረረት እምበል ጃሽ ለወዐለት እተ ኣወላይት ኣምዕል ዮም 23 ማዮ። ኣምዕል እብ ግዲደ ህዩ ሸዕብ ዐዲኳለ ፈርሐቲ እት ሸሬኡ ወዐለ።

ፈሰለት ከረ ባውላይ፡ ምሰል ሸዕብ ዐዲኳለ እብ ፈርሐት እት ትሳረር እንዲ ወዐለት ባካት ሳዐት 16:00 ኣልዐስር “እብ ሸፋግ ኣስክ መንደፈረ ትብገሶ! ኣባይ እት ጸርግዮ መንደፈረ ዐረዘ ኣልቃም ዳፍን እግል ኢልግበኢ፡ ዮም ምሴት እንዲ ፈተሽኩም ትመየው!” ለትብል ሻፍጉት ልእክት ትከበተት። ኣሰራ’ለቀ ዮሴፍ ገድም ወድ ፈሰለቶም ጋብእ ዐለ። እብ ኣራል እብ ሸፋግ መንደፈረ ኣተው። ሳዐት 18:00 (ሳዐት ስስ ኣምሱይ) ህዩ ምን ባካት ዐዲወግሪ ተፍቲሽ ኣንበተው። ምድር ምንመ ጸልመተ፡ ኢተሐለለው። ላሊ እብ ግዲደ እት ፈትሾ ምንመ ትመየው ለረክበው ለቀም ይዐለ። እብ ቃብል እሊ ሰኒ ለደየረው መብዘሐም ሰልሐም እንዲ ለክፈው ልትመንቀሾ ለዐለው ዐላክር ዲብ ክል-ኣካን ጅዕቲታም ጸንሐምም።

ልተላሌ.....

## ዳሳት መዕዩ ተአምርተ ፈርሐት ወውሕደትቱ! ምዴርያት ገጀረት ወገዳይፍ

መዳልያይ፡ ሳልሕ ገመ  
ሙሰውር፡ ክብርም ጸሀይ

ሰባትን ደማትን! እብ ትብል ሰቅራት ጋምል ለአወረሐ 35ይት ሰነት ዓድ ሕርየት የም 22 ወ23 ማዮ፡ ሸዐብ እብ ሕብር ዲብ ዳሰት መዕዩ እንዴ ጀመባቱ ዓዲ ለአግመሌ፡ ናይ የም 22 ማዮ ህይ ዲብ ጸጸራት ወቲራሾሎ ለገብአ ቅዱማም እግልኩም ዐልነ። ዲብ እለ ናይ የም ጀሪደትን ህይ ዳሳት መዕዩ ገጀረት ወገዳይፍ እግል ንርኤቱ። ቅራኣት በኪተት።

ምዴርያት ገጀረት ዲብ ሐሊበት፡ አውጊት፡ አፍዐበት ጋራጅ፡ እንደ ፊኖ፡ አልጌን መዐስከር አልጌን፡ ቀደም መድረሰት ደንደን ወዲብ ማይ ወላኹ። ምዴርያት ገዳይፍ፡ ዲብ ቀላውተ ዲብ መክተብ እዳረት ደዋሐ ቀላውተ፡ ማይ ዐይኒ ዲብ ብሎት እንደ አፍንዳ አብር፡ ኤክሰፖ ባር ጅመ፡ ኤክሰፖ G.3፡ ኤክሰፖ ደምቤ ሰምበል መድረሰት ደምቤ ሰምበል ቱ ዲብ ዳሳት ወቃንት እሕትፋል ለገብአ። እለ ዳሳት እለ እብ ለትፈናተ ሓባር፡ መንዴራት ኤረትርየ ወሰረት ሓይሰ ርኢሰ ኢሰይያስ አፍወርቂ ሰርጉይ ዐለ። ክለ ዓድ ማ መሰል ህለ እግል ንድሌ ምን ምዴርያት ገጀረት ዲብ መዐስከር አልጌን ወእዳረት ደዋሐ ማይ ወላኹ፡ ምን ምዴርያት ገዳይፍ ህይ እዳረት ደዋሐ ማይ ዐይኒ ወእዳረት ደዋሐ ቀላውተ ባጽሓም ዐልነ። ለዲብ እዳረት ደዋሐ ማይ ዐይኒ ለዐለ ምግብ ሐሽ እንደ አፍንዳ ዳስ ወቃዕት ዐባይ አፍንዳ ለትበረዐየ እግሎም እሕትፋላም ዐለው። ከዕመማይ ፈርሐቱም እብ ሰበት ዓድ እግል ልሽርሐ እግልን ለአትሃጌናህም ዲባም እግል ንዐይኩም።

ሙናድለት ፋጥነ ሰዓዳይ ሐቲ ምን ሰነን መዐስከር አልጌን፡ ክም ለጅነት ዳስ ጋሽ ዲብ ትትክበት ጸንሐተነ። ከእብ ሰበት ዓድ ሕርየት ለወደወ መዳላይ ወፈርሐቱም እት ሸርሕ፡ ዓድን ግራምቱ ለህለ አጅኒት፡ ደረሰ፡ ሸባባት፡ እማት ወሐው ክልን ምስል እንዴ ገብአን ነይዱ ህሌ። ዲብ እለ ዳሰነ ህይ ብላዕ ወስታይ፡ ሌጠ እንዴ ኢገብአ አሰክ ፍረቅ ናይ ዓዳት እግል ዓድ ለልአገምል ዋድያም ህሌ። እለ ህይ ተአምርተ ወሕደትን ሐቲ እዴ እንዴ ገብአን ወአድሕድ እንዴ ሐቀፍን ነይድ ወእንሸቁ እት ህሌን ዐውቲ ወውሕደት ለህይበነ። ክምስልሁ ምንገብአናቱ ህይ ለትዐወት። አጅያልነ ህይ ምኑ እት ወርሶ ገይሰ ህለው። እንዴ ህሌን አሰርን እግል ልጽበጦ ህይ አሰክ ዲብ እለ ልጃን ናይ ዓድ ክም ሻርኮ ጋብአም ህለው። እተ ትመጽእ ህይ ምን እለ ወለዐል እግል ንሓልፋ ትምኔቹተ” ትብል። ካፕተን ብርሃኔ ዙርያስ ምን ፖሊስ ኤረትርየ ወሰነን መዐስከር አልጌን ቱ። እብ ሰበት ዓድ



አሰይደ ሕመርት ኣብርሃም ደዋሐ ቀላውተ



ሙናድለት ማና ሓድጉ ማይዐይኒ ገዳይፍ



አሰይደ ተወልደ ሰመረኣብ ማይወላኹ

ሕርየት እት ልትሃጌ ህይ ክእኒ ልብል፡ “ዲብ ታሪክ ኤረትርየን 24 ማዮ ዐቢ ወልትሳነኩ ለአለቡ ዓድናቱ። ሰበት እለ ክልን ዓሊሳት፡ ዋልዲን፡ እማን ምስል ወላድን ዲብ እለ እሕትፋል እብ ለትወቀለት እንሻርክ ህሌ። እለ ለልሓልፋ ርሳለት፡ ሕነ ኤረትርየን እግል ሕርየት ለደፍዐናሁ ቃሊ ዐውል እሰትሸሃድ፡ ምስክነ፡ ጅራሕ፡ ተዐብ፡ ሰጅን ወመአሲ እክል አይ ክቡድ ክምቱ እለ ዲብ እንፈቅድ ሰበት ነይዱ እብ አማን ርሳለቱ ቀላል ኢተን። ምስል ወላድን ህይ ዲብ እለ እብ ሕብር እንውዕል እት ህሌን ዐባይ ርሳለት ለሓልፍ። ታሪክ ናይ ኤረትርየ ታሪክ ናይ አትወራረሶት ሰበትቱ ወላድን ኩሉ ቢያን እብ ዐመል ክም ለአሙሩቱ ገብእ ለህለ። እግልሚ እለ ዳሰነ ንዳል ወቅየሙ እበ ለልአትሐላልፍቱ ገብእ ለህለ። ምን ሰነት ዲብ ሰነት ህይ ዲብ ልትሻር ገይሰ ለህለ ዓድ ሸዐብ ኤረትርየቱ። ሕነ ህይ ክም ሸዐብ ዲብ እለ ሐሳሲት መንጠቀት

ቀር አፍሪቅየ ሰበት ህሌን ሐሊትን ዲብ አትወራረሶት አጅያልነ እግል ትግባእ ህለ እግል እግልሚ ቀደም ንዳል ግድለ ሰለሕ ለአሰብደው አበይትን የም ይህለው። ዲብ ንዳል ለሻርክ አጅያልሙ ለዐባይ ገሌ እብ ሕማም ወገሌ እብ ዕምር ለሐልፎ ህለው። ሰበት እለ ቅወትን ዲብ አትወራረሶት እግል ትግባእ ህሌት እግል። ክምስልሁ ምንገብአናቱ ህይ ወላድን እንዴ ወርሰው ምኒን የም 38ይት ደውረት ክድመት ወጠን ባጽሓም ለህሌ። ሰበት እለ ሕነ ክም ሸዐብ ሳምራም ወእትሐም እግል ንግባእ ህሌት እግልነ ክሉ ለሳድፊነ ዋይዲባት እግል ንትዐዴ ህይ ናሶም ማርሐትን ሳምራም ሰበትቶም እለ እግል ንትሓፈዝ እቱ ወእግል ንዕቀቡ ለወጅበነ ሰበትቱ እግል ሸዐብ ኤረትርየ ክልደል ሰበት! ምን ከጥክ ኢትትወለብ እግል ኢብሉ እፈቱ” ቢል።

አሰይደ ተወልደ ሰመረኣብ ምን ሰነን ዳሕየት ማይ ወላኹ ንኢሽ ገጀረት፡ “ምን እለ ዓድ እለ ለልጥም ማ ህለ። ዝያድ ፋርሓም ህሌ። እለ ህይ ፈድል ጀብህት ሸብየት ለረከብናሁቱ። እለ ፈድል እለ እብ እሰትሸሃድ ፍራሰ ለረከብናሁቱ። ሰበት እለ የም እብ ሕብር ንዓድይ ዲብ ህሌ። አማንት ሸሃዳነ ለለረፍዓናሁ ሰሚቶም ህይ ዲመ ትንበር እግል ንትረሰም ለአለብክ ክምቶም ገለድ ለነአጅድድ እተ አምዕል ፍሬሆምተ። ቀደም እለ ዳስ እለ ዲብ ካርኒሻል ሽርክ ዐልኮ ህቲመ ዝያድ ፈርሐት ለዐለት እቱ ንኡሽነ ወዐቢን እብ ሕብር ለሻርክ እቱ ዐለ። ሰበት እለ ምነ ሐላ ዲብ ደለ ለአብጽሐክ ወዐድን ሰላም ወመስኮበት ትንበር እግልን” ልብል።

ሙናድለት ማና ሐድጉ ምን ለጅነት ዓድ እዳረት ዳሕየት ማይ-ዐይኒ ገዳይፍ ክም መመቅረሓይት ወብርቶታል ዲብ ሸቁ ለጸንሐተናተ፡ “ዓድ ሕርየትን ክልደል ጋምልቱ፡ እለ ናይ የም ዓመት ፍንቱይ ለገብአ እቡ ህይ መንዕ ትረፈዐ ወጽምዶ ዲብ ዐለም ክለ ለበጽሐ እቱ ሰበትቱ ዝያድ ወድዩ። ኤረትርየን ህይ እብ ሰባትን ወውሕደትን ክሉ ክም ንትዐዴ ለአክድን እቱ ወክድ ዲቡ ነይዱ

ህሌ። ሰበት እለ የም ክልነ እብ ሕብር ፋርሓም ህሌን እለ ትርእዩ ዐቢ ዳሰነ ህይ ንኢይሽ ወዐባይ አንሰ ወተብወት ምስል እብ ሕብር አሰክላሙ ኢቀድሮ እብ መራኩሽ እንዴ ልትመንቀሾ ምን እለ ዓድ እግል ኢልትረፎ ማጽአምን ህለው። ርሳለት እለ ዓድን ህይ ሕነ ኤረትርየን ሐምም ወእትሐም ክም ሕነ ለወዴሕ ቱ። ሐምም ወቅወታም፡ ዲብ ዐለም ህይ ህለየትን እብ ፈራሰትን ለአክድን ሸዐብ ክም ሕነ እብል መናሰበት ክልደል ለንኡክዳተ” ትብል።

አሰይደ ሰምረት ኣብርሃም ምን ሰነን ዳሕየት ማይዐይኒ ገዳይፍ ወለጅነት ብርቶታል ወሰርገዮት ዳስ ወቃዕት ከእብ ሰበት ዓድ እት ወዴሕ፡ “ዓድ ሰኒ ግራም ህለ መዳላይ ለእሉ ወዴን ህይ እክል እንዴ ዛቤ፡ አጥሐ፡ ረጨቅነ ወሰንክት፡ ንዋይ እንዴ ሓረድን አዜ ሸዐብ ንትክበት ወብልዎ ወሰተው እንብል ህሌ። ሸዐብ ፈርሐ ወሕነ ፈርሐክ ኩሎም ሰነን ህይ ወላደም እንዴ ጸብጠው ዲብ እለ ዳስ ወቃዕት እብ ሕብር ዓድ ለሕተፍሎ ወአሰናይነ ዲብ እለ ምን በጽሐክ ልብሎ ህለው። እለ ህይ ሸዐብ ኤረትርየ እትሐድ ክምቱ ምሮ ቀልብ ወመባጥር ክምቱ ለወዴሕቱ። እለ ሸዐብ እለ መጦር እዳረቱ ወሕኩመቱ ለበጥር ክምቱ እብ ንኡሽ መቀየሲ ወለ ዲብ እለ ናይ ዓድን ለገብአ ካድም ዲብ ክሉ ሸቅል እብ ንየቱ እንዴ ሻርክ ዶል ትርእዩ ሰመዕ በሲርቱ። ሰበት እለ አዜመ ክም በዳርን ዕንዱቃም ሕነ ወዐድን ዲመ ትንበር” ትብል።

አሰይደ ሕመር ኣብርሃም መመቅረሓይት ሸቅል እዳራት ዳሕየት ደዋራት ቀላውታ ቱ። እትሉ ዓድ ሕርየት ናይ እዳራቶም ህይ ክም እም መንበር ናይል ዓድ እንዴ ገብአት ጋሽ ትትክበት ወልጃን ናይል ዓድ ዲብ ትነሰቅ ጸንሐተነ። ከእብ ሰበት ዓድ ህይ ክእኒ እት ትብል ፈርሐተ ትሸርሕ፡ “ክእኒ ትርእወ ዓድ ሕርየት ሰባትን ደማትን! እብ ትብል ሰቅራት ግራም ልትዐየድ ህለ። አምዕል በኪተት ወዐልነ። ሕርየት ህይ ክሉ እግል ሕርየት ለትደፈዐ ተመን እንዴ ትደፈዐ እተ ለመጸት



ካፕተን ብርሃኔ ዙርያስ መዐስከር አልጌን



ሙናድለት ፋጥነ ሰዓዳይ መዐስከር አልጌን



አሰይደ ሰምረት ኣብርሃም ማይዐይኒ ገዳይፍ

ሰበት ተ እግል 35ይት ሰነት ሸዐብ እዳራትን ምስል እብ ሕብር መዕነት ዓዲ እበ ተአረፊዕ መስኡልየት ግራም ወዕለ። ሐድ ሰለሰ አልፍ ሸዐብ ለሻርክ እቱ ዳሰቱ ህይ ዲቡ ወዐልነ ወለዘት ሕርየት አዳወርነ። ርሳለት እለ ተጀምዕነ ህይ አጅያል ሐዲሰ መስኡልየት ወጠን ወወጠንየት እግል ልውረሰ ለህደፋ ወእለ ራክባሙ ለህሌን ራህየት እብ ዐውል ቀሊል ለመጸት ሰበት ኢተን። እለ አጅያል መዕነት ወምስጢር ሕርየት እግል ልፍሀም፡ ለአምር ወልትዐለም እግል ልቅደርቱ። ዳስ መዕዩ እንዴ ወዴክ ናይል ተልሂክ ወትፋጋዕነ። በለዕክ ወሰቴክ ሌጠ እንዴ ኢገብአ እለ እንርእዩ ለህሌን ፋሕ ወሐያት ንትዐለም ወእንደርሰ እንሸንን ወንትሐበን እቡ ለህሌን እብ እሰትሸሃድ ብዙሕ ወተዐብ ለመጽእ ክምቱ ክል ሙዋጥን ዲብ ቤቱ እግል ወላዱ እግል ለአውርሰ እትፋኔ” ትብል። ከሓይላም ቄርአት እብ ክሰሰ ዳሳዕ መዕየት 35ይት ሰነት ዓድ ሕርየት ለአዳራናሁ ዲብ እለ ታምም ህለ። ሰባትን ደማትን!





### 3ይ ክፋል

ጽብሕ ምድር የም 31 ማርች፡ ጃን ቨሮኒ ዲብ ዋዴ እት ረአሰለ ሒሊቱ እትሩድ ለዐለ ጃን አባይ ህጃም ሀረሰ። አባይ ዲብ ስልሰላታይ አድብር ዋዴ እንዴ አውተደ ይእትከሬ ቤለ። እብ ፍንቱይ 17ይ ክፈለ-ጦር፡ ዲብ አካናት ብዙሕ ምሳል ጃን ቨሮኒ ለተሓረበ ተጃርብ ዛይድ ለዐለ እሉ ሰበት ቱ፡ ብርጌዳት እት ባድል እብ ክለ ሒሊቱ ተሓረቡ። እግል መደት ሰለሰ አምዕል ህይ ሐርብ ደመዊ አተላለ። ለቴለል ሸቀላት እግል ልክለቅ አምበተ። እብሊ ህይ ምር እግል ለዐውት ለቀድር ብሰር ሐርብ እግል ልትኤተን ላዝም ገብአ። እብሊ አሳሰ እሊ ለዲብ ዋዴ ወድዋራተ ለዐለ ጃን አባይ እግል ደመድት እብ ለሐሰት ገበይ ለዐለት እቱ ድገለባይ እንክር ደባባት እግል ለሓልፍ ለቀድር ገበይ እንዴ ሐዘኩ፡ አገር ጃን ወደባባት እንዴ አቴክ ለአግደ ናይ አግርህ ገበይ ዋዴ በይሉል እንዴ በተክክ እብ ስምጥ እግል ልትዘበጥ ትክጠጠ። ዲብ የም 2 አፕሪል ህይ 6 ደባባት፡ ሐቴ ቦጦሎኒ ፓረኮማንዶ ወባጦሎኒ ረሻሽ ናይ ስምጥ ህጃም ሀረሰዩ። አባይ እብሊ ኢትጸበረዩ እትጀህ፡ ዘብጥ ክምሰል ትክሰተ እቱ እብ ሸፋግ ትብጭብጠ።

ሐቆ እሊ፡ ጃን ቨሮኒ ዲብ ሰዱድ እግል ልግበእ ቀድር እንዴ ትብህለ ጊሙም ለዐለ ሐርብ በይሉል አተ። ለምን ዐሰብ 60 ኪሎሜተር ራይመት ላተ እት ግንራራብ በሐር ለህሌት በይሉል፡ እብ ሻፍቅ ዐርኮኩብ ለትገልበበት ተ። ለሻፍቅ ዕጩይ ላኪን እግል ተሃጅም ቅወት ሴድያይ ይዐለ። ምናተ ጃን አባይ ለዐለ እሉ ብቆዕ ጀዋንብ እግል ልትካፈሶ እቡ ኢቀድረ። ጃን ቨሮኒ ዲብ የም 6 አፕሪል እግል በይሉል እንዴ ሀጅሙ ጸብጠዩ። አባይ ህይ፡ ምን በይሉል እንክር ግብለት ምፍጋር ጸሓይ ዲብሊ ህለ ስትራተጂያይ አካናት እንዴ ጸብጠ ሰዋትሩ ሐጠጠ። ጃን ቨሮኒ እብ ጀህቱ በይሉል ግራሁ እንዴ አትሉ፡ ናይ ድፈዕ ከጥ አሰሰ። ምን የም 9 አፕሪል አሰክ 25 ማዩ 1991 ህይ፡ ጃን አባይ ሄራር ጃን ቨሮኒ እንዴ ክርዐ ምን ድዋራት ክምሰል ረይም እንዴ ወደ ዐሰብ እግል አድሐኖት፡ ጃን ቨሮኒ እብ ጀህቱ፡ ዐሰብ እግል ሐረርት ለለአቀድሩ ምህም አካናት እግል ራቀቦት እግል ሐድ ወሬሕ ወክልኤ ሳምን ናይ መጃገረት ሐርብ አተላለ።

ምር ምን አህዳፍ ፊራሮ ደንክል፡ ካልኣይ አብዮታይ ጃን ደርግ፡ ሒሊቱ ወእህትማሙ ክምሰል ልትካፈል እንዴ ወዴኩ ምን እት ጀብሃት ግብለት ወግንደዕ እሸፋፋ ለዐለ ክፍለ-ጦራት አሰክ ደንክል ክምሰል ለአተጃህ እንዴ ወዴክ እግል ናይ ደንገበ ካትመት ሐርብ ውጡይ ቴለል ከለቅ ዐለ። ክምሰል

ትሰተተዩ ህይ ደርግ፡ እግል ክፍለ-ጦራት 17፡ 22፡ 21 ክምሰልሁመ ብርጌዳት ብዝሓት፡ ፍንቱይ ኮማንዶ፡ መከናይዝድ ወድብዕድ ሃይቦት ሰዳይት ውሕዳት እብ ተርተረት አሰክ ደንክል አጎአዘዮም። እምበል እሊ፡ እግል እት ክርሰ አቶብዩ ለሄርር ለዐለ ጃን ወያኔ ወጀብህት ሸዕብዩት እግል ክርዐት፡ ክፈለ-ጦር 14 አሰክ አቶብዩ ክምሰል ልግዕዝ ገብአ።

### ፊራሮ መዐደይ ሕዳድ

መጥ-መጦረ ዲብ ኤረትሮዩ ገብእ ለዐለ መግርኩ ውሕዳት ወያኔ እብ መከናይዝድ ክፈል-ጃን 74 ጀብህት ሸዕብዩት ሰዳይት ዲብ ገብእ እለን ዲብ ቀበት አቶብዩ ሸፍ ትሩድ ገብእ ዐለ። ውሕዳት መከናይዝድ ክፈል-ጃን 74 ምን እት ሰነት 1989 ለገብእ ህጃም ስርጉል ሸሬ እንዴ አምበተ ዲብ መጦር አገር ጃን ወያኔ እንዴ ገብአ፡ ዲብ ክፍለ ሃገር ወሎ ዲብ አለማጡ፡ ቆቦ ወወልድዮ ዲብሊ ገብእ ምህም ህጃማት እንዴ ሻረከው አሰክ ጀብህት ውጫሌ ወደብረታቦር ባጽሓም ዐለው። መከናይዝድ ብርጌድ 23 ህይ፡ ዲብሊ ናይ ደንገበ ፊራሮታት ዐባዩ እግል ትሻርክ ዲብ አወላይት ሳምን ናይ ወሬሕ ጃንግሪ 1991 ዲብ አቶብዩ አቴት። ምሰለ አሰልፍ ዲብ አቶብዩ ለዐለ ውሕዳት ኮማንዶ ጀብህት ሸዕብዩት እንዴ ትመቅረሐው መሃምም እግል

ለአግዱ ወቅት እንዴ ኢነሰእ እግል ፋይሕ መግርክ ዲብ



መዳሊት ትጸመደ። መከናይዝድ ብርጌድ 23 እብ ምር ቦጦሎኒ ደባባት፡ ቦጦሎኒ መድፈዕ፡ ቦጦሎኒ ረሻሽ ክምሰልሁመ ምዳድ ደባብ ወዋያራት ሚሳይል ለጸብጠዩ ውሕዳት ለትከወነት ዐለት። እለ ውሕዳት እለ ምዳድ-ዋያራት ሚሳይል ለጸብጠዩ ውሕዳት ለትከወነት ዐለት። እለ ውሕዳት እለ ዲብ ከጥ ወልድዮ-ደብረታቦር ዲብሊ ህሌት ሸብህ መዳነት ገርገረ፡ እግል ምር ወሬሕ ሰለሕ በህለት ደባባት፡ መዳፊዕ ወረሻሻት እግል አዳለዮት እምበል ዕርፍ ዲብ

ክቡድ ወህላክ ላቱ ወራት እንዴ ትጸመደት ሓለፈቱ። መዳሊት እንዴ አሰፊት ህይ መሃመ እግል ተአግዴ ዳሌት። ዲብ የም 4 ፊብራይር 1991፡ ውሕዳት ሰለለ



ወያኔ፡ እብ ሰበት አግቡይ ጽብጠት ደቅብ ወመትመዳድ ሰዋትር ጃን ደርግ፡ ብዝሐ ውትዕዩት ሰለሕ፡ ሀውየት ውሕዳት አባይ ወለህለ እቱ መርበይ ህጃም...ፋይሕ ወእብ ተፋሲል ሐብሬ ክምሰል ተሆቡ፡ ዲብ መገብስ አካነቱ ዲብ ሳልፋይት ደረጀት መደጋግ ክምሰል ጸኔሕ ገብአ። ዲብ የም 20 ፊብራይር ህይ ምን መገብስ አካነቶም ተሐረከው። ገፋሱ-ማውጫ ወክምር-ድንጋይ ለልትብህል ነኣይሽ

1991፡ ጃን ወያኔ ወመከናይዝድ ወኮማንዶ ጀብህት ሸዕብዩት ከጥ በህራዳር ጎንደር እንዴ በትክ ህጃም ትሩድ ጠለቀ። እብ ጀህት ድገለብ ለተሐረክ ለዐበ መከናይዝድ ቅወት

ክፈፍል ሃገር ጎንደር ወጎጃም ዲብ ሐንቱ መራቀብት ወያኔ እግል አተዮት ለአመመት ዐመልዩት ሐቆ ናይ ክልኤ ሳምን ለኢለአትካርም ህጃማት ዲብ የም 8 ማርች እብ

ወአገር ጃን ወያኔ፡ ዲብ ጋድም ሃምሲት እንዴ ተሰርሰረ ምሰለ ዲቡ ጸንሐ ዐሰርታት ደባባት ድቁብ ናይ ደባብ እብ ደባብ ሸፍ ሐቆለ ወደ፡ ዲቡ ዕስኩር ለዐለ ክፋል ዐበ ናይ ጃን ደርግ እብ ተማሙ እንዴ ደውሸሸ። ዲብ የም 25 ፊብራይር መዳነት ባህራዳር አተ። እብ ጀህት ድማን ለተሐረከት ቅወት ህይ፡ ምን ወረተ እንክር ምውዳቅ ጸሓይ ከጥ ጎንደር እንዴ ጸብጠት እግል መዳነት አዲስ ዘመን እንዴ ሐረረት

ተማሙ ሀደፋ በጽሐ። ግሪ እሊ ለትብገስ ፊራሮ ዐበ፡ እብ ህግዩ ኦሮሞ ፊራሮ “ቤሉሱመ ወልቁጠ-መ” በህለት (ፊራሮ መሳዋት ወእስትቅላል) ለትብህለ ተሕሪር ክፍለ-ሃገር ወለጋ ለአመመ ፋይሕ ህጃምቱ ለዐለ። ዲብ እሊ ፊራሮ እሊ፡ ጃን ወያኔ ወጀብህት ሸዕብዩት ምን ቡሬ - ጉጃም ቱ ለትብገሰ። አሰልፍ እት ባካትለ እግል ክፈፍል ሃገር ጎጃም ወወለገ ለፈንቱ ነሀር አግይ ድቁብ ሐርብ ገብአ። ለነሀር ሐቆለ ተዐደው ህይ፡ ዲብ ባካት ገተን ወጽገማርያም ዕስኩር ለዐለ ጃን አባይ ሐቆለ ፈንጠረው እግል ዓሲመት ወለገ ነቀምቱ ሐረረ። ሐቆ መትጸባጥ ነቀምቱ ጃን ወያኔ ወጀብህት ሸዕብዩት፡ አግደ ከጥ ነቀምቱ አዲስ-አበበ እንዴ ጸብጠው ገጽ ቀደም እንዴ ሄረረው፡ ዲብ አፍንጫ፡ ሻምቡ፡ ጌዶን ወገንደር ምሰል ጃን አባይ ድቁብ ህጃም እንዴ ወደው፡ አሰክ መዳነት አምቦ 125 ኪሎሜተር ምውዳቅ ጸሓይ አዲስአበበ በጽሐው።

ሐቆ እሊ፡ “ፊራሮ ዋልልኝ” ለተብህለ ክፍለ-ሃገር ወሎ ወቅብለት ምውዳቅ ጸሓይ ክፍለ-ሃገር ሸወ እግል ሐረርት ለአመመ ፊራሮ ትብገሰ። እሊ መጥ-መጦር ህጃም ደቀምሐሬ ለአምበተ ፊራሮ፡ ዲብ ቀበት ሰለሰ አምዕል፡ ለ25.000 ለልትጌመም ጃን ለዐለ እሉ ሳልሳይ አብዮታይ ጃን ዲብ ክርዶን እንዴ አተዩ ሐቆለ ደመረዩ፡ እግል መዳይን ደሴ ወትምቦልቸ ዲብ ሐን መራቀብት ጃን ወያኔ ወጀብህት ሸዕብዩት ክምሰል ለአቴ ገብአ። ለአግደ ከጥ እንዴ ጸብጠ ህይ እግል መዳነት ደብረዘይት እንዴ ጸብጠ ህይ፡ አሰክ ሰንዳፋ እንዴ በጽሐ፡ እግል ናይ ደንገበ ህጃም አዲስ አበበ ብርንቶ ገብአ።

መዳይን እንዴ ሐልፈው፡ እንክር ድማን ወድገለብ ህጃም ዲብሊ ትፈንቱ ጋላይ ለትብህል ንኢሽ ዐድ አተው። ዲብ እሊ አካን እለ ለተህጅም ቅወት ዲብ ክልኤ ክፋል ህጃም ትገመዐት። እብ ጀህት ድገለብ መርበይ ህጃም ለትዩመመ ውሕዳት፡ እስቱ ዲብሊ ትትብህል ዐድ በጽሕ እት ህለ፡ እብ ጀህት ድማን ህጃም ለትዩመመ ውሕዳት ህይ እብ ደብረታቦር እንዴ ሐልፈ አሰክለ አግደ ከጥ ባህርዳር-ጎንደር ለለሐልፍ እበ መዳነት ወረተ አተጀህ። ዲብ የም 23 ፊብራይር

ገጽ ቀደም እት ትትሀርብብ ጎንደር አቴት። ሐቆ እሊ ጃን ወያኔ ወጀብህት ሸዕብዩት፡ ዲብ ክፍለ-ሃገር ጎጃም ለህለ ዱርቤቱ፡ ዳንግላ፡ ቡሬ፡ ፍኖቱ-ሰላም፡ አምኑኤል፡ ፓው፡ ለለትብህል ሸብህ መዳይን፡ ክምሰልሁመ መርከዝ ተድራብ ብርሸለቆ እንዴ ሐረረዩ፡ አሰክ ዓሲመት ጎጃም ደብራማርቆስ ለህለ ፋይሕ ባካት ጸብጠዩ። አሰክለ እግል ክፍለ ሃገር ጎጃም ወሸወ ለፈንቱ ነሀር አግይ (ኒል አልአዝረግ) እንዴ ትቀደመዩ ህይ፡ ዲብ ደጀን ለትብህል አካን ሸፈዩ። እሊ “ፊራሮ ቴድሮስ” ለተምበለ፡ እግል

## ምን ክታብት፡ ዎሮ ጅናመ ኢልትረፍ

እት ኤረትሮፕ ዐድነ ምን ክድመት ዓፍዮት ዎሮ መግሪ እግል ኢልትረፍ እብ ጅድዮት ልትሸቄ ሀለ። እብ ፍንቱይ ኣጀኒትነ ለሰብ ሞት ወምስክነ ኣጀኒት ላቲ እብ ክታብት ለልትከሪሕ ሕማማት ምኑ እግል ልንገው። ከዑፍያም ወዋቅያም እግል ልግብኣ ጅነ እተ እለ ሀለ ምን ለሀሌ ክታብት እግል ልርኩብ ለኢልትካርም ሸቅል ስርጉል ገብኣ ወገብኣ ሀለ። እሊ ተሌ ክቲብ በገ፡ እት መጃል ክታብት ለትገዮሰ ሄራር ሚ ባጽሕ ክም ሀለ ለሐብር። ዓማትነ እብ መናሰብት 35ይት ሰነት ሕርየት፡ እት ውዛረት ዓፍዮት መስኡል ወጠንያይ በርናምጅ ክታብት ኣሰይድ ቴድሮስ ይሕደጎ እግል ክርን ገቢል ኤረትሮፕ ለሀላዊ ሐብራተ። እንዲ ተርጀምነ እት ቁርኣትነ እግል ነኡብጸሐ ለሀላዊት ሰሕጊ ሃይሰም መብራህቲ እብ ሰሚትኩም ቁርኣትነ ነሐምዶ። ቅርኣት ሰዲደት. . .



አሰይድ ቴድሮስ ይሕደጎ ኣታይ ክታብታት ሐዲስ ዲብ ኤረትሮፕ

ውዛረት ዓፍዮት ምሳል ሰብ ሸርኩተ እንዲ ትሳዴት እብ ክታብት እግል ልትከሪሕ ለቀድር ወእት ገቢል መደረት ለወዴ ሕማማት ዐደዮ እንዲ ፈረገት ክም ልትከሪሕ ትወዴ። ምን ሰነት 202 እንዲ ኣንበተት እብ ወክድ ወክዱ ክታብታት ሐዲስ ተኣቲ ሀሌት።

1. እት ሰነት 2002 እብ ሄፓታይትስ ቢ ለልትቢህል ሻይረስ ለመጽእ መእረር ከብደት ለትከሪሕ ፍድኢት
2. እት 2008 ረክሰ ሰርዐት ደም፡ በረይ ሐገን ወሰርኣት ትንፋሰ ለሰብ ሄሞሬልስ ኢንፍሉዌንሻ ለልትቢህል ባክቴርያ ለትከሪሕ ክታብት
3. እት ሰነት 2014 እብ ሮተ ቫይረስ ለመጽእ እት ኣትቅባል ዕደደት ለቀሰብ ፍጋር ለከሪሕ ክታብት
4. እት ሰነት 2015 እብ ኒሞኮካል ለልትቢህል ባክቴርያ ለመጽእ ረክሰ ናይ ሐገን፡ ሰነብኢ፡ ሰርዐት ደዌር ደም፡ ኣንፍ፡ ሐለቅም፡ በኣዊ/መፋሰል ለከሪሕ
5. እት ሰነት 2015 እብ ሩቤላ ለልትቢህል እት ውላድ ኣከይ መማኒት ወኣንቃሰ እግል ለኣምጽእ ለቀድር ቫይረስ ለትመጽእ መደረት ለከሪሕ
6. እት ሰነት 2019 ረክሰ በረይ ሐገን ለለኣመጽእ ወእት ሞት

ክታብት/ፍድኢት ኣዳም ሕማም እንዲ ኢረክቡ ለነሰኣ ድፊዕ ምን ሕማም ቲ። ጅነ ምን ውልድ ለልብል እተ ኣምዕል እንዲ ኣንበተ ኣሰክ ሰነት ለኣደውር ለበኤኡ ምን እት ጀድወል ለሀለ ጅንስ ክታብት ክም ነሰኣ ለገብኣ እቡ ሀይ፡ ገርቡ ምን ሕማም ናይ ዳፍያት መቅደራቲ እንዲ ኢትደቀብ ለለዐዴ ሕማማት እግል ኢልርከቡ። ኢልመስክን ወዐቡት ሐንገሉ እግል ኢትደንገር እብ ዐባዩ ሀይ ምን ሞት እግል ልድሐንቲ።

እብ ፈድሉ ሀይ ለኣጀኒት ቀትል ወለኣመስክን ዐለ ሕማማት ገሌ ሰርተ ወገሌመ እት እግል ንራቅቡ ቀደርኩ። ሞት ኣጀኒት ሀይ እት ሰነት 2020 እብል ገብኣት ድራሰት ምን 150 ዲብ 39 ምን ኣልፍ ትከሪት።

### ክታብት እት ክሉ እግል ትብጸሕ ለገብኣ ጸገም

ክል መኣሰሳት ዓፍዮት እት ሳምን ሰስ ምዕል ክድመት ክታብት ተሀይብ እግል መኣሰሳት ለረይሙ ባካት እት ክል ወሬሕ ወምን ደንግር እት ክል-ክልኤ ወሬሕ እንዲ ትፈረርከ እት እሙር ንቃዋ ክታብት ለክድመት ትትሀይቡ። እት ረዩም ኣካናት ወእት መናበረት ሰብክ ወሰግም እግል ሀለ ሸዐብ ናይ ክታብት ፈሳይል እንዲ ትከውዮ እት ሰነት ኣርበዕ ወክድ እተ ለሬመ ለልትቢህል ባካት ልትሀይቡ። ፊራሮ ክታብት እብ ደረጃት ወጠን ደል ተሀሌ ዲብ ክሉ ኣቃሊም፡ ክምሰልሁመ እት ምሳል ድወል ግዋሬ ለልትጋድ ምዴርያት ልትሀይቡ። ለጽንዕት ብጽሐቲ ደዋሐ እግል ልትብጸሕ ምሳል ኣዳራት ኣቅሊም፡ ምዴርየት ወእዳራት ደዋሐ እንዲ ትመቅረሕከ በርናመጅ እብ ሕበር እንዲ ረሰምከ ልትሸቄ። እሎም ተሀይገው ጅሃት ለበርናመጅ ምን ከጠቡቲ እት ኣተግባሩ ሰበት ሻርኩት እግል ሰብ ምህነት ዓፍዮት እት ኣትገንገቤ፡ ነሽር ሐብሬ ወመዋሰላት እት ልትሳደው ምን ፍድኢት ለተርፍ ጅነ ክም ኢሊህሌ ወዱ።



### ክድመት ክታብት ዲብ ኤረትሮፕ

እት ዘበን እስትራጣር ኣቶብዩ በክት ክታብት ረክብ ለዐለ ኣጀኒት 9.4 ምእታይት ሌግቲ። ለልትሀይብ ዐለ ኑዕ ክታብት ሀይ ሰስ ቲ። ወሀቲ ናይ ቲቤ፡ ሐቅሐቅ፡ ቴታኑሱ፡ ጸልዕ ሐለቅም፡ ፖልዮ ወኒፎ ዐለ። ህቲመ እት ሕዳት መዳይን ሰበት ዐለ፡ ዶልክ ገሸለት ሐቲ እት ትቀንጽ ዩም ኣለቡ ኣጀኒት እብ ሐቅሐቅ ወኒፎ ፈኔ ነብረ። ምን እብ ሐዶቶም ለልትወለዶ ኣጀኒት 150 ሐምሰ ሰነት እንዲ ኢለተም መይቶ ዐለው። ክድመት ክታብት ሐቅ ሕርየት ዓፍዮት ኣጀኒት እግል ትትሐፈዝ ቀደም ተሕሪር እብ ዐደድ ሕዳድ ልትሀይብ ምንመ ዐለ ለኣለት ውጢት ምን ዩዐለት ክድመት ክታብት ሐቅ ተሕሪርተ ምሳል መትመዳድ መኣሰሳት ዓፍዮት እብ ንዛም እግል ትትሀይብ ለኣንበተት። ክሉ ጅነ ለበክት እግል ልርከቡ ሀሌት እሉ ምን ልብል ዐገል ዓፍዮት እትላ ሳብታት ላተን 450 መኣሰሳት ዓፍዮት ሌጠ እንዲ ኢገብኣ እት ዐዶታት እብ ጀድወል እሙር እንዲ ትፈረርከ ምሳል ሸዐብ እት ትሰብክ ወትሳግም ክትብት ለኢትፈንቲ ክትፈት ናይለ ሸቅል ገብኣ።



ሻፍገት ለለኣበጹሕ ሕማም ያብሶ ለከሪሕ

7. እት ሰነት 2022 እት ርሕም ሰረጣን ለሰብብ ህዩማን ፓፒሎመ ለልትቢህል ሻይረስ ለትከሪሕ እግል ኣዋልድ እት ታሴዕ ሰነትን ለትትሀይብ ጅንስ ፍድኢት

8. እት ሰነት 2025 ምን እም እት ዐልቀት እት ወክድ ወሊድ ለልዐዴ እብ ሄፓታይትስ ቢ ለልትቢህል ሻይረስ ለመጽእ መእረር ከብደት ለትከሪሕ ፍድኢት፡ ለጅነ ውልድ ክም ቤለ እት ቀበት 24 ሳዐት ለትትሀይብ ቲ።

ዲብ ኤረትሮፕ ክታብት እግል ተሐት ሰነት ለዓማርም ኣጀኒት ሌጠ ኢትን ለትትሀይቡ።

እብል ትፈናተ ኣሰባብ ክታብት እግል ለኣትም ለኢቀድረው ኣው ለይኣንበተው ኣጀኒት እት ካልእ ሰነቶም እንዲ ኣንበተው ክም ለኣተም ዐገል ውዛረት ዓፍዮት ሰሚሕ እሎም። ክምሰልሁመ ክል



ጅነ እት ካልእ ሰነቲ ካልእ ደርበት ክታብት ኒፎ ወናቤል ክምሰልሁመ መእረር በረይ ሐንገል (ያብሶ) ለከሪሕ ክታብት ኒሞኮካስ ኤ ልትከተቡ። ለካልእ ደርበት ክታብት እግል ቀዳሚት ደቅብ ለሊህይብ ወሐለት መዳፊዐት ገርብ ዝያድ ለትቤተ። ክምሰልሁመ፡ ኣጀኒት ገርቦም ሐለት መዳፊዐት ምን ኣምራድ እግል ልርኩብ ምን ሰስ ወሬሕ ኣሰክ

### ኤረትሮፕ እት ክድመት ክታብት ለረክቡቲ ጃእዛት

1. እት ሰነት 2009 ዲብ ሃኖይ ዓሲመት ሼትናም ኤረትሮፕ ናይ ሸቅል ሳሬ ከብቲ (እዕትራፍ) ሸሃደት ነሰኣት
2. እት ኣገስት 2016 እት ካምፓላ ዓሲመት ኡጋንዶ እብ ሸቅል ሰኒ፡ እዳረት፡ እብ ክሉ መቃይሰ መትነፊዕ ታምም ጃእዛት ረክበት።
3. እት ሰብተምበር 2017 ዲብ ናይሮቢ ዓሲመት ኬንያ ሰኒ ሸቅል ወኣምር እዳረት ወበቃዐቲ ለትመርዳት ክታብት መትነፊዕ ላኣመረት እለ ጃእዛት
4. እት ሰነት 2022 እት ናይሮቢ ዓሲመት ኬንያ ኣምረ እት ሸቅል ሰኒ፡ እዳረት፡ ሐሬዝ በቃዐት ወኣትባጸሕ በቃዐተ ለተኣከደት ፍድኢት ለትሸህድ እለ ጃእዛት ነሰኣት።
5. እት ጃን 2024 ዲብ ጅሃንሰበርግ -ግብሊት ኣፍሪቀ ለነሰኣተ ጃእዛት እት ካድም ወመትሰባል ኣትባጸሕ በቃዐተ ለዕቅብት ፍድኢት ዲብ ድዋራት ረዩም እሊ ገሌ ምን ኤረትሮፕ እት መጃል ፍድኢት ለረክቡቲ ጃእዛት ወክብር ቲ።

## ሄራር ተዕሊም ዲብ ኤረትሮፕ

2ኛ ወናይ ደንበሰ ክፋል

ተዕሊም አሳሳ ኩሉ ተጠውራት ናይ ሐቲ ዱለት ቲ። እንዲ ኢልትዕለም፡ ምን ተገርብ ሌጠ እንዲ ትበገሰ ቀደም ለአሳደረ ገቢል ዐለም በታተን ኢህለ። እሊ ኩሉ ዲብ ዐለም ብጾሕ ለህለ ተጠውራት ወፍገሪት ቴክኖሎጂ ላቲ ሰናዓት፡ ቀዳሙ ውሓሩ ክሉ እብ ዕሉማም ለትሸቀ ወለትመሀዛ ቲ።

ኤረትሮፕ እግል እብ መቅደረት ኖሰ እግል ተዕልሙ ለኢትዮጵያ አጅናሰ ምህር ወምህንት ውቅል፡ ምስል ሰብ ሸርከተ ላተን መአሰሳት ካርጅ እት ትትዓወን፡ እት ለትፈናተ መጃላት ዕልም ዓፍዮት፡ ሀንደሰት፡ ዕሉም ጠቢዐት፡ ተዕሊም፡ ቃትን ወዕመማይት



ክድመት ገቢል ለልውዕል ናይ ማስተርስ ወደክቶረይት ተዕሊም ውቁል እት ካርጅ ተሀይብ።

እሉም ዳርሳም ሰብ መቅደረት፡ ምርትክ ክም አትሐዘኹ፡ ምን ካርጅ ምህርሆም እንዲ አትመመው ዐደም ክም አቅበለው፡ እት አደቃብ መአሰሳት ተዕሊም ውቁል ምን ገብእ ወተጠውር ወጠን ሐዘት ዛይደት ለአገዱ ህለው።

እት ዐደነ ለህለ ኩልያት ህይ፡ እት ለትፈናተ አቃሊም እብ ህለዮቲ፡ ምህር ምስል ተገርብ ወአርዛቅ እት ጨምር ጀላብ እግል ልሄርር እንዲ ትበህለ ለትበነ ሰበት፡ እሊም ረሓብ ፍእየት ተዕሊም ኤረትሮፕ ለወዲሕ ጋር ቲ። ሰያሰት ተዕሊም ኤረትሮፕ፡ እት ኩሉ አቃሊም ለልአሰሐብብ ወልትባጸሕ ዕልም ጀላብ እግል ለህሌ፡ ወክሉ ምድር ዐደነ ምስል ጀላብ እግል ልትጠወር ወልሄርር ለትብል ሰበት ቲ፡ ረዩም አዋራፍ ዱለት ምስል መዲነት ገጽ-ቀደም ለትአዋሌ ሰያሰት ተዕሊም ቲ። እሊን መአሰሳት ተዕሊም

ውቁል፡ እግል ዲብ ባካተን ለህለ ገቢልም እት መናበራቲ ወእተይ እቅትሳዱ ተረት ዛይደት በን። ምንን ለትከረጀው ዕሉማም ውላድ ወአዋልድ ህይ፡ እት ክድመት ገቢልም፡ ክም እዳረት መጅተመዕ፡ መራክዝ ዓፍዮት፡ መዳርሱ፡ ሀንደሰት ዐማር ውብዕድ እብ አውለውየት ለልትረኤ አሸቃል ዕመማይት መሰለሐት እቲ ዲብ ልትፈረር፡ እት አደቃብ ጠወርት መቅደረት አዳም ወመትቀዳም ዱለት፡ ምን ክሉ ወለዐል እዲ ዛይደት ለህሌት እሉም ቶም።

ኤረትሮፕ ሰያሰት ተዕሊም ለልአደቅብ፡ ለትፈናተ ምስሳራት እት ተቅዩር ፍክር ሸዐባመ ትወዲ። መሰለን፡ እት ኤረትሮፕ ልሙድ ለዐለ ዲራይ ክሸቦ አዋልድ፡ ምር ምን፡ ዓፍዮት፡ ተዕሊም ወ ተ ጠ ው ር መ ጅ ተ መ ዕ ለልሐልክ ጋራት እት እንቲ ነብር ሰበት ዐላ፡ ምን ቀዳመ እግል አሰረቶቲ ት ጸ ገ መ ት ወ ት ዐንደቀት። ህዳይ ንእሽ መንዐት ውብዕድ ዲራይ ዐዋዲ ሓረበት።

እሊ ተዕሊም አንሳት ከሬዕ ለዐለ ዐዋዲ ህዳይ-ንእሽ ወክሸቦ ሰበት ወርኬት፡ እትሰ መደት ጎን ምን ብዕድ ድወል መንጠቀትን ወግዋሬ፡ ለሐሳ ሕቁቅ አጀኒት እት ተዕሊም ወግፍዮት እድምንት ህሌት እግል ኒበልመ እንቀድር።

መዳርሱ ቦርዲን እት ተአርሕብ፡ ተዕሊም እምበል ድፍዕየት እት ሰጃዕ፡ ዐዋዲ ዲራይ እት ተአሰርት፡ ዮመቲ ሕኩመት ኤረትሮፕ እግል ሰር መጅተመዕነ ላተን አንሳት አርደት ተዕሊም ወተጠውር እቅትሳድ እጠፍሕት እሊን ህሌት። መጅተመዕ ኤረትሮፕ እንዲ ፈሀመ ወአመራ፡ አጀኒቲ እምበል ፈናታይ አሰክ መአሰሳት ተዕሊም (በህለት ምን ረውደት አሰክ ደረጃት ለዓሊት) ለልልእክ እተ ደረጃት-ፈሀም ትበጸሐት።

እሊ ህይ፡ ምን ተዕሊም ልትረኤ ለዐለ አትካራም ወአትቃባል-ሐር ናይ አዋልድ፡ እብ ሸቡህ-ሸቡህ እት ነቅሰ ወለሄራር ልሰዕ እት ገበዩ እት ሰኔት መጽእ ለህለ ናይ ኩሉ መጅተመዕ መስኪልየት ጋብእ ህሌ። አንሳት ሐቆ ኢትዕለመዮ፡ ዓይላት ኩለን ምስል ገጽ-ቀደም እግል ለአሴረ ሰበት ኢቀድረ ህይ፡ ሕኩመትን

ምን ጽባብሐ ለትዐንደቀት እቲ ወቀይ ዐለ።

እምበል እሊም አንሳት እት ምህር ጀላብ እግል ልትሰጅዐ፡ እብ መሓብር ወጠን አዋልድ አንሳት ወወጠንዩይ መሕበር ሸባብ ወደረሰ ለትገብእ ሰዳይት ምህር ወአላትመ እት መዳርሱ ምግባይት ወካልኦይት ደረጃት ሰኒ ኔፍዳይት ቲ። እሊ ህይ፡ እት ምግባይት ደረጃት መሻረከት አዋልድ መጦር ውላድ ክም መጽእ፡ እት ካልኦይት ደረጃት ወኩልያትመ ህይ ክም ትትቃረብ ለወዲ ወቀይ እት እንቲ ርኩብ ህሌ።

ጣፍሐት ብንየት ትሕትየት አግቡይ እት ብሩር፡ ወጀዶት መዋሰላት ወወዘየት ዐጀላት እብ መጅብ ጀዋእዘመ እት ዐለሞት አንሳት ወአቅረቦት መሳፋት መዳርሱ ተራቲ ውቅል ቲ። አሰክላመ እት ሰብክ ወሳግም ምስል ንዋዩ ለአምሆልል ለትበር ገቢል፡ እት ሳብት ደገገት እንዲ ትጀመዐ፡ አጀኒቲ ምህር ክም ረክብ ገብእ ህሌ። እሊ ህይ፡ መትሐርካይ መዳርሱ፡ አላት ወመደርሱኖም ደርቦም እት ልግዕዞ ወለሐድሮ ገብእ ለህለ ለኢልትሐለል ሓዘ ተዕሊም ወተቅዩር መንበረት ገቢል ቲ። ፍገራቲ ህይ ምን ወክድ ዲብ ወክድ እት ትሰኔ ወተአትናይት ትመጽእ ህሌት።

እትሰ መደት ጎና፡ 10 መድረሰት ቦርዲን ለብዲቦን፡ 70 ለገብእ መዳርሱ እግል እሉም ሰብ ርዕዮ ሰብክ-ወሰግም ክድመት ተዕሊም ለህይበ ህለዮ። ምስል ሰብ ገጽ ወዐባዩ ዐድ ዲብ ተሀድግ ህይ፡ ውዛረት ተዕሊም ለልአሸቅዩ ካላንደራት አውቃት ምህር እት ተአግሬሕ፡ ምስል መንበረት መግዕዝ ወሰብ ርዕዮ ለልትወጤ ሐናት ተዕሊም እት ስታት ኡቲት ቲ።

እሊ ህይ መንበረትሰ ሰብ ርዕዮ ጀላብ እግል ኢትትሐምረግ ወመትሀንእ ዲብ እቅትሳድ ገቢል ኢልምእእ እንዲ ትበህላ ቲ ክም ምራዶም ገብእ እሉም ለህሌ። ላዘም ላቲ ምህር-መአንብታይ ተዕሊም፡ አዳላይ በራምጅ መነት እት ገሌ ለትሐረ መዳርሱ፡ ክምስልሁመ ተዕሊም እብ ህግዩ እም ወእምበል ድፍዕየት፡ እግል ገቢል ለትሐሰብ፡ ወሕኩመት-ኤረትሮፕ ሌጠ ለትተበዐ ሰያሰት ተዕሊም ናጅሐት ቲ።

እምበል እሊም ለምን መደት ንዳል እት ሕሩር አራዲ ለአንበተ አብደዮት ቅዌት እት ዐባዩ፡ ዲብ ሰነት 1991 46 ምእታይት ሌጠ ለዐለ፡ እትሰ መደት ጎን ዲብ ዝያድ 80 ምእታይት ዓርግ ህሌ። እት ሸባብ ህይ አብደዮት ቅዌት 61 ምእታይት እት እትየት ሕርየት ለዐለ፡ አዜ ዲብ



ዝያድ 93 ምእታይት ውቁል ህሌ።

እትሊ ለሐልፈ ሰር ዘበን ወክሱሰን ሐቆ ሕርየት፡ ኤረትሮፕ ዐደነ ሐቲ ምን እት ዳርሳም ሸባብ ሰርገል ዐቢ ለአምእዩ ድወል ዐለም ጋብአት ክም ህሌት፡ ተቅሪር መአሰሰት እሕሳእያት 'ዩኔስኮ' ለሐብር።

እሊ ሄራር ተዕሊም እት ቀበትላ ሐልፈ ሰኒን ሄራሩ ሓምል ወጣሬሕ ዐለ ምንመ ይእንብል፡ እብ ኢልትሐለል መዕጸም ሕኩመትን ወገቢላ፡ ለገበዩ ሰኒ ዲብ ረቲዕ ወመሓግዘመ ምን ወክድ እት ወክፍ ዲብ ልትባለሕ መጽእ።

ምን ረውደት አሰክ ደረጃት ተዕሊም ውቁል ለልአደርሶ ተብዕን ወአንሳት መደርሱን፡ እብ ጅህድ ኖሶም ወእበ ሕኩመት ለትሀይዎም ቲ አግቡይ አድረሶት እት ልትሰደው፡ ዲብ ዐለሞት አጅያል ወጠን ሐዘቶም እብ ቀላል ለትትረኤ ኢኮን። ክመ ሕኩመትን ብግስት እቲ ለህሌት ህይ፡ ተዕሊም ምን ረውደት እት መአንብታይት ደረጃት አደቀብን ምን ገብእ፡ ምስልሉ ለህለ ደረጃት ተዕሊም ክቡድ ክም ኢገብእ አኪድ ቲ።

መስኪልየት ሕኩመት እብ በይነ እንዲ ኢገብእ ህይ፡ ክል ነፈር መጅተመዕ ሐዘቲ ለልሀርሰ ወናዩተ ለወዲ ዲብ ሸቅል መዕጸም ቲ።

ምስል ሰብ ሸርከተ ካርጅ ለገብእ መዓወናትመ አውለውያት ዱለት እት ሕሳብ ለልአቲ መትባዳል ተገርብ ተዕሊም እት ገብእ፡ ጠወርት ቅድረት አዳም ለአግደ ህደፋ ቲ። ምስሉመ፡ አተዮት ሐብሬ ቴክኖሎጂ ዲብ ተዕሊም ምርት ምን አግደ ሕኩመት ኤረትሮፕ ትሸቁ ዲብ ለህሌት መጃት እት ገብእ፡ ህደፋ ወራት ደረሰ ወአድረሶት ለልአትቃልል ወአብካት ተዕሊም ወምህንት ለከልቅ ቲ።

እምበል እሊም እግል ጽመማይ ወሕጃባም ለልትሀዩብ ተዕሊም ቅድራት ፍንቱይ፡ ምን እት መናህጅን ተዕሊምን ለህላ ቲ። እግል ምስክን ገርብ ወዐቅል ለሶም አጀኒት ለልትዳሌ አፍሱል ወአላት ፍንቱይ ለጠልብ ተዕሊም ሕኩመት ምን ትሸቁ ዲብ ለህሌት ቲ።

እሊ በዳሪታት እሊ ኩሉ እንዲ ትጀመዐ፡ ሰያሰት ተዕሊም ኤረትሮፕ እት መሳዋት ለትአምን፡ እት መዲድ ተዕሊም ሌጠ



ተዕሊም ህይ፡ ዲመ እብ መናህጅ፡ ፍክር አዳም፡ መባኒ፡ መክተባት ወመዓምል፡ ክምስልሁመ ነዋዲ ቅራኡት ለልትጠወር ሰበት ቲ፡ ዲመ እት ልትሓየሰ ለትበር ዳይናሚካይ ተጠውር ቲ።

እንዲ ኢትገብእ፡ ዲብ በቃዕት፡ ዐዳለት እጅትማዕየት ወመሳዋት ተዕሊም ዲብ ዳይም ሄራር ተዕሊም ወባልሐት መሓግዘ ለተአተንክብ፡ መስኪልየት ሕኩመት ወሸዐባ ቲ።



## መቃብላት ምስል መሰኡል ሽባብ ምዴርየት አፍባብት

ለምስል መሰኡል ሽባብ ምዴርየት አፍባብት፣ ሻብ መሰ መሐመድ ሰዲድ ለወዳናህ መቃብላት 3ይ ወናይ ደንገበ ክፈለ እግል ነአተላላይ እኩምቱ ወቅት በኪት ናይ ቅራኦት ልግባእ እግልነ።

ሰኣል፡ እትሊ እቱ ህሌነ ወቅት ሕርየት ወሰላም፣ ደረሰ ዲብ ምህር እግል ልፈድቦ እብ ጀህት ሽባብ ለገብእ ቅሰሰ እብ እንግሊዜ ሕሳብ ወታሪክ ቀደም እሊ ዲብ አፍባብት እምቡት ዐለ ዲብሚ ባጽሕ ህለ?

በሊሴ፡ አዜ ሕነ ለዐቤት ሕሊትነ እግል አግማም ሕርየት ዲብ ተዕሊም እግል ልፈድቦ ወለ ወቀለት ደረጀት ናይ ምስተቀበል እግል ልብጸሐቱ ለሀደፍነ። እብ ሽማል ሕርየት ዲብ ትትመተዕ እግል ትድረሰ ዐቢ በክት ቱ። ከአወል ለደረሳይ አው ለሻብ ለተዕሊም ምን ልቡ እግል ልሕዘዩ ህለ እግሉ። እብ አትሓላይ ለገብእ ኢህላኒ፡ ሕሳብ አው እንግሊዜ እንዴ አድረሰኩህ ተቅዩር ለአመጽእ ለበህለት ኢኮን። ለደረሳይ ክመ ዋልዴት ዲብ ተዕሊም ለጸምእወ እግሉ ላመ ደረሳይ ንዩት ናይ ዕልም ዲብ ደሚሩ መስከብ እግል ለአውድዩ ህሌት እሉ። ዋልዴን፡ መደርሲን ወሕኩመት ምስተቀበል ሽባብ እግል ልትአከድ እምበል ሕላሌቶም ለከድሞ፡ እብ መጅብ እሊ ህዩ ላመ ደረሰ እብ ራቴዕ ወእመር ሀደፍ ሐዶቶም ክም መረሐ እግል ሊደው ህሌት እሉም እብ ናይ ዶሉ መታክል ምነ ጸብጡ ለህሌክ ሀደፍ እግል ትትዐንቀፍ አለብክ እግል ልፍሀም ህሌት እሉም።

ሕነ አዜ ደረሰ ተዕሊም እግል ልፍተው ለእንወድዩ አብሳር ህለ ወለ ዲብ ረዩም አካናት ለህለዩ መዳርሰ እንዴ ኢተርፈ አትናያት እንወዴ። ክም መሰል መድረሰት “ዐገት” ምን አፍባብት 90 ኪሎ ምትር ትረይም፣ ለሃመ እንበጸሐ ወለ ዲብ ለህለው ደረሰ ምን 30 ደረሳይ ኢሐልፎ። ዐደዶም እበ ኢከሰሰ ለመድረሰት ምግባይት ደረጀት እብ ግብአተ እግል ኒገሰ እተ ላዝምቱ። ከለ ሀደፍ ናዩ ህግደዩ ሚቱ ዲብ አዩ ሽቅል ወእብ ፍንቱይ ዲብ ተዕሊም ንዩት ሐቆ ኢህሌት ነጃሐትመ ክም ኢህሌት እግል ንፍሀም ብክ፡ ዲብ ምዴርየት አፍባብት 17 ምግባይት ደረጀት ወ3 ናይ ካልኣይት ደረጀት 20 አብዮት መዳርሰ ህለዩ ወዲበን ነሽጣትነ ነአትጋይሰ።

አዜ ዲብ ናይ ሰዳይት ለእንቤሉ ዲብ ወቅት ከረም እግል ዕርፍ ለመጸእ ደረሰ ኩልያት አውመ

ዲብ ብዕድ መአሰሳት ወአሸቃል ሕኩመት ለሸቁ አንፋር እንዴ ነዘምነ ወምስል ወሳሪት ተዕሊም እንዴ ትፋሀምነ ወለ ዐበ ዶር ህቶም እንዴ ጸብጠው፡ ዲብ ወቅት ከረም ሰዳይት ናይ አድረሶት ነህይብ ወእብሊ ደሐን ለገአት ፍገራት ትረከበት ምኑ እብል። ላኪን ክመ እንዴ አብደርት ለእቤለ ንዩት ምለዐል ኩሉ ሰበት ተ ንዩት እግል ተህሌ ምን ድሩራቱ፡ አግልሚ ንዩት ለአለቡ ነፈር ወለ አልፍ መረት ምን ተአደርሱ እግል ልፍሀመክ ኢቀድርኒ። ከለ ደረሰ ምን ንእሾም ንዩት ወፈተ ድራሰት ክም ትትረቤ እቶም እግል ንባሰር ህሌት እግልነ፡ ለጅነ ዲብ እቱ ኢሰምዕ ዕምር በጽሐ ምን ገቢእ እግል ልፍሀመክ ኢቀድርኒ። ደረሳይ ዲብ ድራሰቱ እግል ልፈድብ አርት ምን አህዳፍ መሕበርቱ፡ እግልሚ መቅደረት ተዕሊም ለኢመልክ መዋዋን እግል ርሐ ኢገብእ ወወጡት ምን ኩሉ ተርፍ ከለ ምጅተመዕ ውሕኩመት ካሰራም ገብእ።

ሰኣል፡ ኮይሰ ሻብ መሰ ዐፋይ መዋዋን ወእብ ፍንቱይ ዐፋይ ሻብ ደሚን ምጅተመዕ ወወጠን እብ ግብአቱ እብ ሰበት ኤዝያይ ሕማማት ህዩ ሚትወዱ?

በሊሴ፡ መሕበር ወጠን ሽባብ ወደረሰ ኤረትርዩ አሰር ተዕሊም

እንዴ ሐመምክ መትሳራይ ምን ቀዳምክ መትነጃይ ክመ ትትብህል፡ ምን ቀዳምነ ምን አምራድ እግል ንትነጃነ ሰለል ደሐን እግል ንጽብጥ ህሌት እግልነ፡ ወእሊ ህዩ እብ ተዕሊም ወፈዛዐት ቱ ለእንዳፍዑ። ሐቆ ደረሰነ ለመድ ወፍቲ ቅራኦት እንወዴ ወሐቆ ቀርአነ ህዩ አምዕል አምዕል ዲብ ዐለም ሚለመሰል ሕማማት ክም ህለ ወእብ ደረጀት ወጠን ለብናቱ አምር እብ ሰበት ሕማማት ዲብሚ ደረጀት ክም ህለ ዕሉም ነፈርቱ ለለአምሩ። ከሰበት እሊ አርት ነፈር ዐፋይ እግል ልግባእ ገአ ምን ገቢእ ዳርሱ፡ ዕሉም ወፋዝዕ እግል ልግባእ ህሌት እሉ።

ምስል ወዛሪት ዓፍዮት እንዴ ትፋሀምነ እብ ሰበት ለመድ እኩይ፡ ጀራይም፡ ስታይ ከምረት ወለፍ ለትፈናተ ሐጃት፡ እብ ወለፍ ለመጽእ ሕማማት ወእብ ፍንቱይ ዲብ ሽባብ መደረት ለከልቅ እበ ከሰሰ ዲብ መዳርሰ እንዴ ንሰነ (እንዴ ዱርን) ሕማማት እብ ከአፎ ክም መጽእ ወለዐዴ እግል ለአምር ወሐቆ መጽአዮም ህዩ ሚለትመሰል በዳሪት እግል ልንሰአ ክም ለአሰትህል ፈሀም ምጅተማዕ ወእብ ፍንቱይ ፈሀም ሽባብ እግል ልትወቀል ወልዕቤ ብዘሕ አትፋዝዮት እንወዴ። እግልሚ

መሕበር ቱ። እምበል እሊመ እብ ዝያድ እንዴ ረከዘነ መራዐየት አው ሰርዐት መታብዐት ለእንወዴ እሉም ሽባብ ህለው፡ ወህቶም ህዩ ዲብ አግዳ ተንዘም ሽባብ ለህለው ዲመ መዋሰል ለኢባጥር ተዕቢኣት ወድራሳት እንወዴ እሉም። ህቶም ዲብ አሰርም ለህለው ደረሰ ወሽባብ ለአትሓላሉ፣ ወእብ ድራሰት ተንጃታት ክም ልትሓላላፍ እንወዴ ወእብ ገበይ ፈተውራራ፡ ሕመረት ወካድራት እንዴ ወዳነ ፈሀም ምጅተመዕ እበ ለዐዴ ሕማማት ክም ዘይድ ወልትወቀል እንወዴ። እምበል እሊመ ወለፍ ወጀራይም ለልብል አርእሰ ምስል አደብ ወዓፍዮት ሽባብ ለገይሰ ሰበት ገአ ነአደርሶም ቱ፡ ወርያደት ወዓፍዮት ለልብልመ አርእሰ ህለ እግልነ።

እሊ ሌጠ ኢኮን ሓለት ሽባብ ወድዋራቶም እትሚ ክም ህሌት መታብዐት ትርድት እንወዴ እግልሚ ሕለት ወደቅብ ናይ ወጠን ወምጅተመዕ ዲብ መሸንገል ሽባብ ሰበት ገአት፡ ሽባብ ምስል ድዋራቶም ወሓድረት ሓለት ዐዶም እግል ለአምር እበ ልብል አርእሰ ድራሳት ህሉ፡ ዲብ መዳነትነ ለገብእ ነሽጣት ክም ሽቱል ዕጩይ እሊ አገረሞት መዳነት ለልብል ወቀይ ህለ



አሸቃል እብ አተላላይ እንሸቁ።

ሰኣል፡ እግል ፈዳብያም ደረሰ ወወቁል ንቃጥ ለእምጸአም ደረሰ ሚለመሰል አትናያት ወጀዋእዝ ትወዱ እሉም?

በሊሴ፡ ክመ ልትአመር በዲር እብ ገበይ መሕበር ጃኢዘት ናይ ዛግሬ ትትህዩብ ዐለት ወሐር ለመውዳዕ እብ ወሳሪት ተዕሊም ሐዲሰ ተቅዩራት ዲብ ገብእ እሉቱ ለመጽእ። ላኪን መሕበር አትናያት ፈዳብያም ደረሰ ጸሩ ወአግደ ሀደፍ ሰበት ገብእ፡ ዲብ 8ይ ፈሰል ፍንቱት ጃኢዘት እግል ፈዳብያም ደረሰ ክም ትትህዩብ ወደ፡ ወህተ ህዩ እብ ደረጀት አቅሊም መንደላይ ለትትብህል ሰሚት ህይብታ ተ። ዲብ ብዕድ አቃሊምመ ክም ሻሎት፡ ታምፊዳ፡ ዒንዳ ማሶ፡ ፈዒማ ወብዕዳት እግል ንሰሚ እንቀድር። አዜ ልእኩት ናይ እሊ እግል ፈዳብያም አትናያት ወእግል ብዕዳም ህዩ ክም ሐዎም እግል ልፈድቦ አትቃንኦት ቱ። አዜ እሊ ክም ተሐሰበ ዲቡ ለሽባብ ዝያድ እግል ልትናዩቶ ዲብ ምዴርቶም እተ ለዲቡ ደርሶ አብያት መዳርሰ ዲብ ቀደም ዋልዴናም፡ መደርሲናም፡ ወመሳኒቶም እግል ልትህዩቡ በርናምጅ እንዴ ወዳነ ሀብናሆም፡ ወግረ እላመ እንሻላህ እግል ነአተላልዩቱ።

እት ደንገበ እግል ኢበለ ለሐዘ፡ እግል ሽባብ ወደረሰ እብ ተዕሊም እትፋዝዮም እግልሚ ተዕሊም ዲብ ሕርየት ወሰላም እግል ዐማር እሊ ወጠን ለዐበ ዶር ምንመ ቡ፡ ዓመተን እት ሐያት ወድ አዳም አካኑ ሰኒ ዐባይተ። ከሽባብነ እግል ልትዐለሞ ወምህነት እግል ልምለኮ እትፋዝዮም። ዮም ምን ሕርየት አሰክ እሊ ብጽሕ ለህለ ደረጃት ተጠውር ኩሉ እብ ድራሰት ቱ ማጽእ ለህለ። ከእብ መድረሰት እትፋዝዮም እብሎም። እት መደት ንዳል እግል ተዕሊም ወሕርየት እብ ክልኦት ሀደፍ ልትከደም ዐሉ፡ ከሕናመ ዮም እግል ተዕሊም ወዐማር ወጠን ምህርትነ ንሰደድ እብሎም ከእትፋዝዮም።



ለካልኣይ ሀደፍ ፋዝዕ ሻብ እግል አፍረዮት ቱ። ዲብ ወቀሎት ፈዛዐት አወላይት ንቅጠት፡ ሻብ ታሪክ፡ ዓዳቱ፡ ሓለት ሓድረት ስያሰት ወጠኑ እግል ለአምር፡ ዐለም ሚክም ህሌት እግል ለአምር፡ አዜ እሊ እሉ እንቤ ኩሉ ምስል ተዕሊም ለጸብጣቱ፡ ክመ ላግም ለልቡለ መሰል በደል

ዝያድ ኩሉ ዓፍዮት ሽባብ እግል ነአድምን ህሌት እግልነ ከአባቱ እግል ደረሰ ወሽባብ ዲብ መዳርሰ እግል ነአፍሀም እምበል ሕላሌ ለእንሸቁ፡ ወእሊ ህዩ ሽባብነ ሀደፍ ለትፈናተ ሕማማት እንዴ ገአው ፈጅር እግል ኢንክሰር ምነ ዝያድ እንዴ ረከዘነ ለእንሸቁ እቱ መጃል አው ነሻጥ ናይ

እግልነ፡ ሽቅል ሕበር እሊ ማእቶት [ኬወ] ለእንብሉ ህለ እግልነ፡ ሀደፍ ህዩ ሽባብ ከአፎ እንዴ ወደው ፍቲ ወለመድ ሽቅል ክም ወዳ፡ ወሽቅል ሕበር ፍገራቱ ሚክምተ ወእብ ከአፎ ገበይ ክም ልትጠውር ዲብ ኩሉ መአሰሳት፡ መካትብ ሕኩመት፡ ወመቅበረት ሽባብ ለገብእ

## ምን እግዳ እንቅራቄ ወይን ምህሳብ ከተን ሰከታት

- 1970 (ጁን) ዑሰማን ሳሌሕ ሳብ እግል ዐገሎ ግድለ ለአትጋይሶ ለዐለው ምቃትሊን አሰክ ደንካልየ አግዐዘዮም፡ ወዲሱ እት ሰዱሓ ዲላ ቅዋት ታሕረር ሸዕባየት ሙ-አሰሳይ ሙ-አተመረ ወዲት።
- 1970 (ኑሸምበር) ውላድ በኒ ዓምር ላቶም ጀማይዕ ምን ጀብህት ታሕረር ኤረትርየ እብ በይኖም ትክፈለው።

- 1970 (ሓተ ዲሰምበር) ኢቶብያ ዲብ ያና ሐድ ሰሰ ምእት ሸዐብ ለቃተለት እቱ ጀራይም አጅሬት።
- 1970 (16 ዲሰምበር) እብ ሕክሙት ኢትዮብያ ቃትን ጠዋርእ ወእተ ክምሰልሁ ምኑዕ ኣቃሊም እት ቀላቅሎታት ወእተ ምሰል ሕዱድ ሰ-ዳን ለልትጋወረ መናዋቅ ዐለት፡ ኣዜመ 10,000 ለገብእ ሸዐብ አሰክ ሰ-ዳን ለጅኦ።

### ጸሀክ

- መጠጠት እግል ደሉ ክም ትትሀወን ውድየት ክላሰ ጌሰት በሀለት ኢኮን. ለእማን እብ ዐክሰ እሊተ. ለጋሪት ሰኒ ወእማን እግል ትትኩለም ወሐቆ ወቅት ምን ሓዲስ እግል ትምጠዋ ቱ።
- ነፍሰኩም ለአምዴላትኩም እብ ሕሸመት፡ እንሳንየት፡ ውዳይ ሰኔት ወእት ሐዮት ክም ተሓልፋ አልምድው፡ ገጽ ባርህ ወለ በዕሉ ሊቁብመ እንዴ ኢኮን ክል ደል ምን አልባብ ኢብዴ።
- ሕሸመትክ ዕቀብ ወጾር ምሮትመ ኢትግበእ፡ ለልሐዜክ ሀለ ምን ግብእ እት ቀበት ዘሕመት ፈርገኩ፡ ለኢሐዜክ ህዬ ወለ እት ቀደሚሁ እት በዋርመ ኢልርኤኩ፡ ከእት ሕሸመት ርሕክ እንዴ አተንኩብክ ንበር።
- ቡን ምሰል ክሉ መራረተ ሐቤታት ሰ-ከር በጭብጭክ እተ ምን ገብእ ዋዕም ተ፡ እዲናመ ምሰል ክሉ መክሩህ ተዋልለ እተ ክምሰልሃተ፡ ምናተ ጠምጠም ለውቀት ወፈርሐት ለለሓብሮ እተ ኢልትሰአና።
- እብ እማመት እት ቀደሚክ ለትደበአ ባብ ክሉ ረአሰክ ኢትቀርቅፋ፡ ሕሸመት እዴክ ኢተአዋሌዕ ወኢሃነት ነፍሰክ እት ፊቃዶ ዕጫይላ ባብ ወቅት ረዩም እግል ኢትትጸበዕ ሕሳብክ ውዴ።
- እት ቀበት ክል ነፈር ደሚር ለትትበህል በርህት ህሌት፡ ከረኤት ምን ግብእ እግል በዐለ ብዘሕት መንፈዕት ብዲቤ፡ ወያረት ምን ግብእ ህዬ ሰመዕ ወረኤይ የህላ፡ ከምሰል ኩብዱ ለጸልመተት ወልቡ ለየረ ወቅትክ ኢተአብዴ።

### ገበየ ዘጸታት

ለገብእ ወድ አደሚ እት ቀበቱ መዕረክት ፍንጌል እተ ሀለ ሓለት ወእግል ልግበአ ለለሐዜ ሓለት እንዴ ረፍዐ ነብር፡ ወዲብ እል መዕረክት እለ ለልትዐወት ህዬ፡ ምን ጀርቤ ለኢብዋር ወትሉሉይ ወቀይ ለልተሌ ቱ። ሕነ ለናይ አማን መግርክን እብ ሰብብ ድዕፍ እምካንያት ኢኮን ለእንክሰረን፡ ለመግርክን ለእንክሰር እቡ ሰብብ ሕነ ኡዲግ ሰበት ንትሐለል ወእዴን ሰበት ነህይብ ቱ።

እት ቀበት ክል ምን ለሐሰት ነሰኸት እብ ሀለዮተ እግል ንእመን ለትትጸበረን ህሌት፡ እለ ነሰኸት እለ እት በርህት እንዴ ፈግረት ሀለዮተ እግል ተአክድ ገብአት ምን ገብእ ህዬ፡ ወቅት፡ ጅሁድ ወሰብር ለአትሐዜኩ።

ለምዕረክትን ቅብላት ብዕዳም አውመ ቅብላትለ ዋጅሃን ለሀለዮ ተዋልል ለእንወድየ መዕረክት ኢኮን፡ ሚደአም ቅብላት ፈርህት፡ ሸክ፡ ተዐብ ወቅብላት ሐት -ሐቱ ደል ሕነ ሐቱመ ክም ይእንቀድር ርሕክ ለተሐሸክሸክ እቡ እግልነ እሕሳስ ለትገብእ መዕረክት ቱ።

ከዲብ እለ ለልትረከብ ዐወትመ አዲግ እብ ሸፋግ እት ምራድክ ብእሐት እንዴ ኢገብእ፡ ምሰል ክሉ ለሳድፍ መታክል፡ መትዐናቃፍ፡ ወዲቅ፡ ብግር ወምን ሐዲስ እብ ፈዛዐት ወአምር ለትወድየ ወትነሳኦ በዳሪት ወእተ ለተአርእዮ አተላልይ ቱ።

ምን ጀርቤታት ለኢብዋር፡ ምን አመረ ልትአከር ገብእ፡ መዋት ገብእ፡ ወብዙሕ ጌጌ ገብእ፡ ምናተ እት ደንጎበ ቅብላት ነፍሱ ክም ልትዐወት አኪድ ቱ፡ ወእለ ህዬ ለዐቤት ዐውቱ ምሮት ወድ አደሚ እግል ለሐቅቀ ለቅድር ለናይ አማን ዐውቱተ።

## ከባብ ከሕሳብ ከሕ ከሕሳብ

ምሮት ጀኔታይ ዋልዳይቱ እተ ከሸነት እንዴ ኣቱት ድራር እተ ትሸቁ እቱ ዐለት ወቅት ቅርብ እንዴ ቤለዮ፡ ህቱ ካትብ ለዐለ ወረገት መጠየ ከበለሰ እግል ተሀቡ አተንሰዮ። እሙ እዴህ እግል ተአድፍፍ እተ ፋጠት እንዴ መሰተ እግል ወረገት ለጀኔታየ ሀቢያተ እት ቀረኦ አንበተት፡ ለወረገት ክምእነ ትብል ዐለት፡ እግል ሰዐር ለእሉ ዐጨድተ 5.00 ናቅፋ፡



እግል ሳምን ካምለት ለአንደፍክወ ቁርፊትዬመ 1.00 ክለ ሰግ ኪስክያተ ለሐቱ ኩኣቫይ ሰበት ጸበዋኾ እግልኪ ህዬ 0.25 እግል ድካን እትለክኪቱ ለዐልኮ 0.50 እግል ግማመት ለከደን አብጸሕክወ 1.00 እግል ሐሽ ለእሉ ከሰተርኮ ወአንዘፍኮ 2.00 ወእግል በዐል አደብ ሰኒ ክም እነ ለተሐብር እብ መድረሰትን ለትሀየብተኒ ሸሃደት 5.00 ናቅፋ፡ ናይ እለ ክሉ እግል ትድፍሂቱ ብእትኪ፡ እንዴ ትጀመግ 14.75 ሳንቲም ባሕሕ ሃላ ልብል ዐለ።

እላቱ! ቱለት ዋልዳይቱ ምን ቅርአተ ክቱቡ ክም አትመመት፡ ህቱ ህዬ እተ ቅብላተ እት ተክል እግል እት ሐንገለ ዘውር ለዐለ ፈቅዶታት ለአትቃምት ዐለ።

ለእሲት ቀለም ሀረሰት፡ ወእግል ወረገት ለጀናህ ሃይባተ ዐለ እበ ካልእ አንክረ እንዴ በልሰተ እት ከትብ እተ አንበተት፡ ከእለ ተሌ ከትብት እተ። እግል ሴዕ ወሬሕ ለእት ኩብድዬ እት ተዐቤ ጸውረትነተን ዐለኮ ወለ ሐበትመ ይአደፈዐኩ።

እግል ክሉ ለላሊታት ለመሪር ክለ በኩክ ወጨጭ ቤልነተ፡ እት ረአሰክ እት እተርህ ወረቢ እግል ለዓፊክ ደዳይ እት እወዴ ሓልፋ ለዐልኮ ትርሃን ወክርበት ወላ ሐቱመ ይአደፍዐኩ።

እግል ክርበት ወጀርሰት ለእሉ ትወዴ ዐልኩ፡ ወአሰክ ተዐቤ ወልብ ትወዴ እብ ሰብብክ አትቃዋሩ ለዐልኮ አናቤዕመ ወላ ሐቱመ ይአደፍዐኩ።

እግል ህምግ ለገብእ እክ ዐፍሸት፡ ነብራኩ፡ ለቡብሰኩ፡ ወአሰክለ አንፍክ እንዴ ኢተርፍ ውብዕድ ለእሉ እማሰሰ ዐልኮ ሐበትመ ትትደፈዕ አለብኩ። ሴዕ ሸር እት ርሕምዬ፡ ወክልኦት ሐል እት ሕቅፍዬ ሕቅቅዬ ውመሸንገልዬ እለመ የአደፍዐኩ እቱ።

እለ ክሉ ዲብ ሕድ እንዴ ጀመዕህ፡ እት ቅብላትለ እግልክ ለብዬተ ፊተ ዐውልመ አለቡ እንዴ ትቤ፡ ለውረገት እግል ጀኔታየ እንዴ ሀብተ አሰክመ ቀረኦ እተ ሸቅለ ነብራህ አቅበለት።

ለጀኔታይ ቅርአተለ ክቱብ ዋልዳዩ ደል አትመመ፡ ለዕንቱታቱ እብ አናቤዕ ትጅቃጅቅዮ፡ ወትክ እንዴ ወደ አሰክ ዋልዳይቱ እት ለአቀምት። “ይማዬ፡ ክም እፈቱኪ ሸክመ አለብዬ” እንዴ ቤለዮ፡ ከእግል ገለም እንዴ ጸብጠ፡ እተ ወረገት እብ ሕሩፍ ገዛይፍ ወግሩም “ለሕሳብ ክሉ ካልሰቱ” እት ልብል ከትቤ።

### እብ ክሰሉሰ መሰቀት

መሰቀት ወሐይ ተ፡ ወምንለ ገብእ ልግበእ ልባብ መፈልሰፊት ህተ ትትወቀል፡ በሀለት ገሌ አክራናት ሀለ ምን ኬን ሕዱድ ዐቅል ለደውር፡ ወገሌ እንዴ ኢከርዑ መግሸረተን አሰክ ፍሕ ለልትዐደ፡ ወእብላህ መንዋቅ (እድን ለትትከበተ) እግል ልረትቡ ለኢቀድር ጋራት ተአደርሰኩ።

ደዐት ዲብ እለ አካን እለ ናይ ሀለዮት ግዝፍ (Dimension) ቤ እለ ግዝፍ እለ ልባብ ወፈልሰፊት እግል ልፈሰሩ ጀራርቡ፡ ምናተ ሙሰቀት ህዬ ክም እንሸዕር እቡ ትወዴኩ። ህተ ደያታት ለኢለአትሐዘዩ ሂጋተ፡ ወምሰል እለ ክሉ ለእለ ተሐዜ ትብል።

መሰቀት እግል ወድ አደሚ እት ሐቱ ወሐልፋይት ደለቲት ናይ ከማል ተጅሪበት ተሀይቤ፡ ለደለቲት እለ ዲብሰ ቃትን እንዴ ትመየሰኩ፡ እዲነ እብ ከማል ምሰልነ ተአተንፍሰ ለህሌት ትመሰል እትኩ። ወፍክር እግል ልትከበቱ ለኢቀድር ጋራት፡ ምሮት ወተር እምበል ሐቱ ደዐት ነቁ እቡ።

### እግሌ ርሕክ እብ አማላት ሃኪዩ

እት ቀበትክ ለህሌት መጠጠት ደል ትነክራ፡ እግል ርሕክ ምን ሐለተ ወለዐል ጦር እግል ተአጠራ ቱ። ከእግል እግል ልትቀበት ለኢቀድር ጋራት እግል ትቅበቱ ኢትጀርብ። እብላ ምሰምሰ። ለእም ትሸዕር ጋራት ንቀም እም እት ከብድክ እንዴ ዐቀርካም ትም ኢቲባል፡ አሰክ ትትግፊ ወቅት ካፊ ንሰእ፡ እትለ እዲናክ ሚተ ለእለ ትትሸህ አክል ሕድ አምራ፡ ህቶም ለኢኮን ወእት ዋቂዕ እግል ልትሐቀቅ ለኢቀድር ናይ ሐሶት ሓላም ኬን በሎም ምንኩ፡ ነፍሰክ ክመ እለ ህሌት ትከበተ፡ እዲናክ ተርጀመት ሕዜ እለ ወእንበተት ሓዲሰት እግል ተአንብት ኤታን ክፊ።

### ፋብላም ስሙ በዳት ምኑ



ምሮት ነፈር መሰህ እግል ልጋኔሕ ጌሰ። መደወንለ ባብ ደል ጨቅጠ ለንኡቫይ ጀናለ መሰህሁ ፈግረ ዲቤ። ህቱ ህዬ ክም እለ ቤለዩ” ሰላም ዐሌኩም ያሐቢቢ .. አቡክ ሀለ?” ለጀነ ህዬ፡ “አይወ ሀለ ቤለዩ?” ህቱ ህዬ፡ “እግልዬ ስምዬ ተአምረኒ?” ቤለዩ፡ ለጀኔታይ ሻፍግ እት እንቱ አሰክ አቡሁ እንዴ ጌሰ፡ “ደቢይቤ እተ አፍለ ባብነ ምሮት ስሙ ለኢለአምር ነፈር በዋር ሀለ” ቤለዩ።



## ሰነን እንሰ

ክል ሐዋን ሰነን ቡ፡ ወክል ሰነ ሰሜትቡ እሊ ተሌ ሰነን እንሳቱ።

ነቡል = እግል ነኦት ሐራሰ ልትባህል

ሕዋር = ነኦት ሐራሰ ለወልደ ሕዋር ልትባህል።

ለቅሐት = ነኦት ትግበእ መ ምነ ትንእሽ ዶል ትትዐሰብ ለቅሐት ትባህል

ዕሻር = ሐሊብ እግል ልንጸፍ እግለ ቀርቦ ነኦት ትባህል።

ወድ ዕሻር = ለሕዋር ክም ጸብራቱ

ወድ ነቡል = ውላድ ነኦት ክልኤ ሰነት ክም አዶረ ወድ ነቡል ልትባህል።

ዓይሮ = ወድ ሰለስ ሐል/ወለት ሰለስ ሐል አንሶም ወተብዐቶም ዓይሮ ልትባህሉ።

ዓይሮ አንሰ ሀዩ ለዶል/ እትሊ ሰነ እሊቱ ለትትዐሰብ።

ፈግዐቲብ = ወለት አርባዕ ሐል/ ወድ አርባዕ ሐል ፈግዐቲብ ልትባህሉ።

ምድርሰ = ወድ ሐምሰ /ወለት ሐምሰ ሐል

ረባዕ ረቂቅ/ መፍሩድ = ወድ ሰባ ዓመት/ሐል ቱ

ረባዕ ረቂቅ/መፍሩድት = ወለት ሰባ ዓመት ተ



ሐቆ እለ ተብዐት ጸዐብ ልትባህል ወአንሰ ዐውደት- አውመ ገመል ወነኦት ልትባህሉ

## ገሌ ምን አሰማይ እንሰ

ሐሌተት፡ ሐላይት፡ ምዕሸር፡ ቀጣን፡ ጅሄራ፡ ግምሾ፡ ገዱድ፡ ጀበረት . . .

ሰነን አሐ ወድ አሐ ክም ትወለደ ወአንሰ ልገልግበኝ ወተብዐት አሸከአለሰ ልትባህል። ሐቆ ክልኦት ወራሕ ሀዩ እጋል ልትባህል። ሐቆሁ

ተንጫፍ = ሰነት ክም ወደ ጀደዕ = ክልኤ ሰነት ክም ወደ በዐል ክልኤ = ሰለስ ሰነት ክም ወደ ለእዋን ለአንጃቡ ምን ቀደም ገይሰ ከሐቆሁ ክልኤ እት ሰልፍ ለአበቅል። ረባዕ = ወድ አርባዕ ሰነት ቱ፡ አርባዕ አንጃቡት ሀዩ ለአብቀለ

ምን ሰነት ረአሱ ሐር ለአንሰ አሰክ ትትበከር ፍሊት ትትባህል። ወለተብዐት አሰክ ልትለቤ ለገ ልትባህል። ክም ወልደው ላተ አንሰ ወአት ትትባህል ወተብዐት ብዕራይ ልትባህል። ወለአገጽ ሕቶም አንሰ እጅት ትትባህል ወተብዐት ተሰታይ ልትባህል።

## እዘን አሐ

እት አምዳር ትግራ እግል ለአሐ ክል ሐቱ ክም ጅንሰ ለእዘና ቃጥጥ። ወእቡ ምን ሕድ ትትፋረግ። ወእለ እዘን ዐድ እገሌተ ትትባህል። ክል ምር ሀዩ እግለ እዘኑ ለገአት ለአከብር። ወእት ብዕድ ፈረዕ እግል ቲዱር አፈቱ።

እሊ ተሌ ሀዩ ገሌታይ ምን አሰማይለ እዘን ቱ

ሀብረም፡ ሊቤ፡ ልዩ፡ ሐምሮክ፡ ሙቱለ፡ ዐርቤ፡ ተለንጅ፡ አሸ፡ ብሌ፡ ሰብር፡ ሸንጉሊ፡ ቶረ . . .

ዓማት፡ ክታብ አድጋማት ወግዳት ትግራ



## ሐዳሰ ለብዙስ አክያረ

ሐዳሰ ብዙስ አክያረ፡ ፈጅርክ ጀዳድ ተአጀድድ ሸንሀት ገቢል ተአረዌ፡ ኮረ እንዴ ትሰድድ ሳብተት እት አቅዋሉ፡ ለዋጃብ ተሐድድ ጠበሽ ትብል አርቦ፡ ኬረ ክሉ ትመድድ ዝሕረት ክሱት ባቤ ምን ወቀዩ ለዐድድ።

ሐዳሰ ብዙስ አክያረ፡ ነፌት ትቅር ወኤማን ሰፈላል ወደ ተአኪረ፡ ሸሀር ገብአት ለሰማን ሕላይ ቀዳምያም ብእተ፡ ፈድል ነፈዕ ወድ ዕትማን ሰኔት ዐባይ ዋዲቱ፡ ሪቻርድ ኢኖ ወድ ሊትማን ሳልስ ፈክ ወድ ሕመዳይ ቱ፡ አማነት ሸግብ ወአማን መርጀዕ ማሌነ ተእሪኮም፡ ጀነት ለሀቦም አርሕማን።

ፈጅር አርቦ፡ ፍጉራ፡ ርዝቀ ብሩር እት ጋድም አክባር ሰልፍ ሰፍሐተ፡ እግል ክሉ ተማትም ነፌት አምር ካቲማሃ ቱ፡ ደነግብ ትከማክም ዓሙድ ሸባብ ጀላሌ፡ ሰብ ተጃርብ ለአዳግም አሰቡር ሐዳት ለሓኩ፡ ኩሉ ለሐልፊ መጃግም ዐማር ለዲመ ሰቅራትኩ፡ ተርብዩት ወፍሬ-ካድም።

ወቀይ ሕረም ትትፋቀድ፡ ተእሪክ ተሐንፍል ዕንጃረ ትዳግም ክሉ ተጃርቤ፡ ንዳል በዲር ወዐማረ ሳሕል ሰሕልት ጀርደተ፡ ማለ ሓድገት ወዳረ ትንክባህ እት ፍሴ፡ አማን ወኤማን ጽዋረ ዓሙድ ፈን ወግዳት፡ ዝሕረት እብ አክያረ ትግራይት ትቤብር አርዛቀ፡ አድጋማተ ወአሸግረ።

ክሉ ሕበር ተአትፋግዑ፡ ዐቢ ልግበኝ ወንኡሽ ጭምቡይ መልሀይ ግድዐቱተ፡ ለሃጃክ ፍሱሰ መብደኝ ሐጠር ወሰባተት፡ ክሉ ምነ ወሩሰ ተእሪክ ምስትንክር ወዐጃይቤ እብ ገበዩ ድሩሰ ኬወ ገቢልመ 'ታይን፡ አራዲ ዕ'መር ወሕሩሰ ትሚሚ ወድነ ፈርዶተ፡ ቀጨጭ ተግራ ወአርኡሰ።

ደልአባብ ተንክር ለሓልቤ ቁርአዩ ብሱቱ ወገዱ ምስጠር ኩብደ ትብራብር፡ ቅሰሰ ለምሉእ መስወዱ ከበር ርዶደት ትነሽር፡ ናይ ካርጃ ለገአ ወዐዱ መሰል ሰኔት ተአቀርቤ፡ ሰብ ዐውቱ ሚ ክም ወዱ ለአትመቃርሐ ዘመኖም፡ ከወቀዩም ለአገዱ መተንክብ 'ግል ርሐም፡ ወእት ብዕዳም ለዐዱ።

ሸዕበት ምግብ ትግራይት፡ ዲብ በዋር አሳሰ ሐምሰ ሰ'መዕ ገርባተ፡ ጠምጠመ ወለትንፋሰ እዘነ ለእቡ ትሰሚዕ፡ ወዕንተ ለገለብ ልባሰ ተጃርብ ዐባይ ተሓኪ፡ ሰብ ገጸ ወለፍራሰ ሰብ-ምህነት ትትጋሚ፡ ኢልትቀየሰ ዓሳሰ አምዕል ፍጉር ትከተብት፡ ኤረትርዩ ለሐዳሰ።

ቀትረ ቅትር ዝሕረቱ፡ ምን ሰጅል ንታይን በዐል አማን ሐቁ ለሀይቡ፡ ወፍዩ ቡ ለካይን ጊማይ-ሰዳሰት ለዓሙዱ፡ እት ብሩር ወመዳይን ፍንቱይ ፍንቲት ዋብዐቱ፡ ክቱብ እመር ወባይን አምር ክቱብ ወአሸግሩ፡ ስርቤት ሰ'ብብ ወሀጋይን አይወ ሐዳሰ ብዙስ አክያረ፡ እግል ዲመ ደማይን።

ከሐምዲ ትብጽሖም ኬትብተ፡ ወቀይ ብዙስ ትሸገብ ቂሾት ለክሉ ሐየባት፡ ምዕሰል ተዐገለ ለሰብ ወዲን ለዲመ ትጀብቡ፡ ኢለአትካርም ተረብ ሕበር ትሄዱ አክያረ፡ ኢደንገረ ወኢደንገብ ገሌ ረአዩ ሀይቤ ወገሌ ትሰአለ ወአትዐገብ ውርስ ተእሪክ አጅያል፡ ጸጋይ ሃ'ጨ ወሀቤ።

ኢብራሂም መሐመድ-ር ቅዋት በሐር ኤረትርዩ (ገደም)



